

成宗元貞戊戌二年春二月水免其田租

巳三年夏五月賑旱按是月旱免酒課以糧賑之

泰定帝泰定甲子元年冬十月饑賑糶有差

文宗天歷己巳二年冬十二月火賑糧有差

明武宗正德丁丑十二年夏大水秋八月饑遣都御史吳廷舉

賑恤以上通志

國朝

世祖章皇帝順治己巳十六年大水下

詔蠲恤舊志

聖祖仁皇帝康熙己巳十八年大旱蠲賦十之三志稿

江夏縣志卷三

賦役

乙丑二十四年水賑穀

乙酉四十四年水蠲賦賑穀

戊子四十七年水旱蟲鼠災蠲賦賑穀

乙未五十四年水蠲賦賑穀

丙申五十五年水蠲賦賑穀

世宗憲皇帝雍正丙午四年大水蠲賦賑米以上通志

高宗純皇帝乾隆丙辰元年冬十月奉

上諭自二年為始全行豁免重丁銀兩志稿

壬戌七年夏秋水災蠲賦賑穀通志

丙寅十一年

詔蠲其賦三年輪免一週 陳志

辛巳二十六年饑

詔賑

丙戌三十一年

詔蠲漕米三年輪免一週

丁亥三十二年水蠲賦免米賑穀

巳三十四年大水蠲賦免米賑穀

庚寅三十五年奉

上諭蠲免地丁錢糧一次

丁酉四十二年奉

江夏縣志 卷三

賦役

三

上諭蠲免地丁錢糧一次 志稿

戊戌四十三年夏旱蠲賦免米賑穀冬十月奉

上諭蠲免漕糧一次

巳亥四十四年夏禾被旱入秋江漲水淹於正賑畢加賑一月

口糧

壬寅四十七年水蠲賦免米賑穀

癸卯四十八年水蠲賦免米賑穀

乙巳五十年旱蠲賦免米賑穀

戊申五十三年夏六月水蠲賦并賑是年蠲緩本年及舊欠錢

糧又本年應徵漕糧蠲緩作一年帶徵 以上通志

壬五十七年

詔蠲田賦三年一週

甲寅五十九年奉

上諭蠲免六十年漕糧一次

乙卯六十年奉

上諭蠲免嘉慶元年地丁錢糧一次

仁宗睿皇帝嘉慶元年丙辰蠲緩地丁錢糧八月蠲免丁巳戊午二次

錢糧九月蠲緩應徵本年秋冬及乾隆六十年尾欠錢糧

丁巳二年春正月前奉

恩詔普免案內有蠲免銀兩

江夏縣志

卷三

賦役

四

壬戌七年秋八月蠲緩本年秋徵地丁銀兩及應行帶徵節年

錢漕應完本年漕南二米

癸亥八年春正月欽奉

恩詔蠲免民屯正耗錢糧二分復因近賊滋擾蠲免十分之五以上通志

巳巳十四年蠲免錢糧

庚辰二十五年奉

上諭蠲免民欠錢糧

宣宗成皇帝道光元年辛巳蠲免地丁錢糧

乙未十五年奉

上諭蠲免節年民欠錢糧

乙 二十五年奉

上諭蠲免節年民欠錢糧

戊 二十八年蠲賑

己 二十九年蠲賑

文宗顯皇帝咸豐元年

辛亥

詔蠲逋賦

丙 六年省城克復

詔蠲逋賦

今上同治元年

壬戌

詔蠲逋賦

江夏縣志 卷三

賦役

五

田則

原額田地塘山共一萬三千七百五十一頃三十八畝七分

零

內除撥歸更名田地一千一百八頃三十畝三分零於書後更名項下開載外

實田地塘山

一萬二千六百四十三頃七畝四分零

田

上中下三則田四千一百八十八頃五十六畝一分二釐六

毫

三則均派

每畝科秋糧米六升四勺零該徵米二萬五千三百三十一

石九斗三升五合九勺

每米一石併新加弓箭絃條派徵銀七錢一分四釐零

共徵

銀一萬八千一百四兩七錢七分四釐零

每畝科夏稅大麥一勺一抄四撮該大麥四十七石八斗四

升九合八勺小麥三合四勺三抄四撮零該小麥一千四

百三十八石四斗九升一合每麥折銀秋糧內帶派

山鄉田二百二十六頃二十九畝六分五釐三毫

每畝科秋糧米三升五合一勺零該米七百九十四石九升

九合每石徵銀照前則例該銀五百六十七兩五錢四分四釐七毫

零

每畝科夏稅大麥六抄六撮三圭零該大麥一石五斗小麥

一合九勺九抄三撮零該小麥四十五石九升四合一勺

每麥折銀秋糧內帶派

江夏縣志卷三

賦役

六

水鄉田五百九十四頃五畝七分二釐一毫

每畝科秋糧米一升七合五勺五抄零該米一千四十二石

七斗六升六合三勺

每畝科大麥三抄三撮一圭零該大麥一石九斗六升九合

六勺小麥九勺九抄六撮七圭零該小麥五十九石二斗

一升五合一勺大小二麥全撥歸更名地內算

地

原額三則地三千三十二頃九畝四分六釐四毫

每畝科秋糧米一升八合五勺八抄三撮零該米五千六百

三十四石六斗一升六合四勺內除撥歸更名地五百一十四頃二十五畝六分零

實該地二千五百一十七頃八十三畝八分六釐四毫實
存米四千六百七十八石一斗一合四勺零每石徵銀
照前則例共
銀三千三百四十三兩四錢四分八釐三毫零

每畝科大麥三勺五抄一撮零該大麥一十石六斗四升三

合二勺內撥歸更名麥一
石八斗六合零實存大麥八石八斗三升六合

四勺小麥一合五抄五撮零該小麥三百一十九石九斗

四升七合二勺內撥歸更名麥五十二
石四斗二升八合零實存小麥二百六

十七石五斗一升八合零每麥折銀秋
糧內帶派

塘

原額塘五百五十二頃一十八畝四分七釐

江夏縣志卷三

賦役

七

每畝科秋糧米三升二合一勺六抄六撮零該米一千七百

七十六石一斗八升七合一勺零每石徵銀
照前則例共銀一千二

百六十九兩四錢五分三釐七毫零

每畝科大麥六抄七圭零該大麥三石三斗五升五合小麥

一合八勺二抄六撮六圭零該小麥一百石八斗六升三

合五勺每麥折銀秋
糧內帶派

共科秋糧米三萬四千五百七十九石六斗四合七勺內撥
出水

鄉田米並三則地內米一千九百九十九石二斗八升一
合零向係臨湖佃戶耕納租課原入更名地徵收今歸本
縣催輸於更名
項下開載外實徵秋糧正米三萬二千五百八十三石三

斗二升三合四勺六抄六撮內有免糧三千一百二十二
石每石派銀四錢六分五釐

八毫零無免糧二萬九千四百五十八石三斗
二升三合零每石派銀七錢四分一釐七絲零額徵併加
增共銀二萬三千三百八十九兩六錢二分零

案內開除帶派民賦條銀二兩四錢八分二釐三毫零實徵銀二萬三千三百八十

七兩一錢三分九釐八毫零

內有舊書原載班匠額銀一百四兩四錢及班匠額內沖

共科夏稅大麥六十五石三斗一升七合六勺小麥抵米一

千九百六十三石六斗一升九勺

內撥出水鄉田地二麥實麥一千九百一十三石五斗八合八抄四撮

折銀

山

江夏縣志

卷三

賦役

八

原額山五千一百五十八頃二十九畝三分二釐

每畝科夏稅絲六分六釐七毫零該絲二千一百八十二觔

五兩二錢九分零

每兩絲併新加絹價派銀共徵銀二千

五百三十一兩五錢三釐七毫六絲二忽

每畝科桑絲六釐八忽四微三塵四纖四渺該桑絲一百九

十三觔一十一兩三錢二分六釐六毫六絲

零共徵銀一百八兩四錢七分六釐六毫零

康熙十六年賦田地三頃九十四畝一釐科糧八石二斗四升六合五

清出額外民額外民賦田地五十九畝二分六釐零科糧二石五斗一

乾隆六年首墾額外民賦田地一十五畝四分玖釐科糧六斗

地畝九釐餉 每秋糧一石派銀二錢九分一釐八毫零 該銀九千五百六兩九錢

九分七釐 內除坍塌更名地案內開除帶派民賦餉銀四釐一毫八絲零 實徵銀九千五

百六兩九錢九分二釐零 又籌餉案內清出餉銀二兩四錢七釐零 又隱地案內清出

餉銀七錢三分三釐零 又首墾餉銀一錢八分八釐八毫零

額徵

民賦秋米三萬二千五百五十九石一斗零二合一勺五抄

折陞正銀三萬八千五百四十三兩四錢六分五釐

折陞漕米六千八百六十四石四斗三升五合五勺

山絲水鄉正銀五千二百九十五兩四錢七分五釐實徵銀

四萬三千八百三十八兩九錢四分

江夏縣志 卷三

賦役

九

戶口

原額人丁二萬五千六百一十丁 每丁徵銀一錢八分三釐五毫零 共徵銀

四千七百一兩六錢五分一釐零

順治四年豁免運夫人丁三百六丁豁免銀五十六兩一錢

七分七釐零實在人丁二萬五千三百四丁共徵銀四千

六百四十五兩四錢七分三釐零

順治十四年編審新增人丁二千七百七十八丁

康熙十一年編審新增人丁二十四丁二十一年編審新增

人丁二十丁二十五年編審新增人丁二十二丁三十年

編審新增人丁三十二丁三十五年編審新增人丁五丁

四十年編審新增人丁二十丁四十五年編審新增人丁
五丁五十年編審新增人丁六丁以上額內額外人丁共
二萬八千二百一十六丁共徵銀五千二百一十八兩一
錢三分六釐零

五十三年奉

恩詔續生丁永不加賦以五十年丁冊爲常額

雍正七年奏奉 部文於額征丁銀外其優免丁銀一百八

十一兩二錢三分九釐零統共歸入閩省糧銀均攤帶徵

每糧銀一兩派徵丁銀
一錢二分九釐六毫零

共徵銀五千八百四十五兩三錢三分五釐八毫零內除

江夏縣志

卷三

賦役

十

坍塌更各地畝開除帶派丁銀一十兩七錢七分一毫零

又開除銀一十一兩四分二釐一毫零又開除銀二十三

兩六錢五分三釐四毫零又豁免重丁銀四百四十五兩

八錢五分九釐四毫零實徵丁銀五千三百五十四兩一

分六毫零

康熙五十五年編審增益滋生人丁五百一十三丁六十年

編審增益滋生人丁四百九十丁雍正四年編審增益滋

生人丁三百八十二丁九年編審增益滋生人丁二百八

十四丁乾隆元年編審增益滋生人丁三百五丁六年編

審增益滋生人丁六百六十四丁十一年編審增益滋生

人丁七百五十四丁十六年編審增益滋生人丁七百六十九丁二十一年編審增益滋生人丁七百七十五丁二十六年編審增益滋生人丁七百六十九丁三十一年編審增益滋生人丁六百八十八丁三十七年六月奉

上諭五年編審不過沿襲虛文無裨實政嗣後編審之例永行停止

奉准 部覆湖北民賦新墾地畝應派丁銀係按陞糧科

則派算仍以五年一次彙造攤徵丁冊隨同奏銷送 部

備查

屯糧

原額三則田地一百三十八頃四畝六分六釐八毫零

內除荒蕪

江夏縣志 卷三

賦役

十一

田地中下二則田十六頃十二畝七毫七絲零實在成熟田地上中下三則熟田

一百二十一頃九十二畝六分六釐四毫零

原額屯糧五百三十九石三斗七升三合二勺三抄

內除荒蕪糧三

十七石九斗五升八合三勺實在成熟糧五百一石四斗一升四合九

勺三抄

以上府志

改漕

隨漕枋木松板銀一十七兩一錢五分四釐零

運糧官軍行月二糧

一千九百四十五石三斗每石折銀四錢

該銀七百七十八

兩一錢二分

三六耗蔗輕費銀

七百九十三兩四錢五釐八毫每兩解准損銀一分

該銀七兩九錢

三分四釐零

共隨漕銀

乾隆六年墾田額外攤派銀二分七釐四毫一絲零

一千五百九十六兩六

錢四分一釐九毫零

內除坍塌更名地案內開除帶派隨漕銀二兩八錢七分五釐零

實

徵銀一千五百九十三兩七錢六分六釐零

兌軍本色正米

每秋糧一石派正米一斗三升一合六勺零該四千二百八十八石六斗八升每石耗米

四斗該一千七百一十五石四斗七升二合又隱地清出及首墾額外正耗米二百二斗二升九合零共正

耗米六千六石三斗八升一合零

贈貼米

康熙十一年正米一石徵給贈貼米二斗又隱地及首墾額外贈貼米三斗一升八合零

共八百

五十八石五升四合四勺零

優免充餉銀一千四十兩六錢四分一釐零

內有優免丁銀一百八十一兩

江夏縣志

卷二

賦役

七

二錢三分九釐零以上陳志

額徵正四二耗米六千八百六十四石四斗三升五合五勺

加一耗米六百八十六石四斗四升三合五勺共正耗米

七千五百五十五石八斗七升九合

以上應徵米石於咸豐七年經巡撫胡林翼裁

除完費奏定章程改折徵收每正米一石連耗米水脚券票等共收十足錢六千五百文斗升合勺照數科算不准

多索分文勒石武昌府署前

鹽引

舊例額銷鹽引一十萬六千二百五十引

每引改于鹽四十分九釐六

銷原無一粵匪竄踞鹽院曾課釐由湖

雜稅

北督銷局征解又陸稅咸豐七年潮廣督院奏准各屬設立官舖抽收按百觔納稅二百文每年行銷亦無定額

牙帖稅銀一百四十兩九錢

原額銀八十二兩九錢五分乾隆八年開除銀六兩五錢二十

五年量增銀六十兩四錢五分

咸豐四年部議章程暫令直省委員設局專辦協濟軍餉均令赴局投稅無定額

當舖每座每年納銀五兩

開歇不一原無定額兵燹後並無開質

田房稅正額銀一十二兩一錢二分

盈餘銀兩儘收儘解原無定額

牛驢稅

原係儘收儘解兵燹後作爲二兩五錢

馬稅

儘收儘解原無定額

倉儲

江夏縣志

卷三

賦役

三

大有倉在府北

積穀倉本明宗武岡王儲積穀備賑舊址巡撫林天擎重建

知縣洪國輔復修

軍民永利倉在文昌門外濱江俗名糧廠明成化中設儲本

府兌運漕米明季兵燹

國朝重置

社倉雍正元年總督楊宗仁題請設建分儲各鄉四十四處

以上俱廢

糧倉在杏花天今改東征新廩

常平倉在平湖門內儲積穀備賑總督祖澤遠建雍正元年

更建於新興一舖今廢仍歸平湖門改南糧倉
總督馬慧裕書軍國

豐備倉在曇華林儲積穀備賑道光十九年總督林則徐建

穀被賊掠無存

咸豐七年巡撫胡林翼借撥湖南附近水次州縣湘潭衡陽二縣倉穀四萬石旋設捐米局以穀代米儲至十餘萬石以充軍食以濟災賑係鹽法武昌道委員經理

起運

戶禮工各部地丁條餉等銀二萬九千七百三十兩五錢五分九釐零內除奉復廩糧並奉撥

關帝三祭 天后祠祭及均祭各項銀二百兩三分三釐又除驛站夫馬工

江夏縣志

卷三

賦役

十四

料不敷動支正項銀三千一十四兩七錢二分六釐零俱於撥存項下彙造外

實額銀二萬六千五百一十五兩七錢八分九釐零內除運夫丁銀三十兩三錢三分一釐零除坍塌條餉及帶派原丁等項銀六兩一錢二分九忽零又除坍塌條餉及帶派原丁等項銀一十六兩一錢三分一毫零額解地丁銀三萬五千四百一十一兩五分八釐

存留

額徵存留正銀三千九百四十二兩六錢九分五釐
隨徵加一一耗羨銀四百三十三兩四錢九分六釐

共應徵正耗銀四千三百七十六兩三錢九分一釐內除坐支

府學文廟春秋祭銀九十八兩六錢

縣學文廟春秋祭銀四十兩

關帝廟春秋祭品並壽誕銀三十五兩七錢四分五釐

岳孟香火春秋祭銀四兩八錢

周子表忠祠春秋祭銀二十六兩四錢

郡厲壇三祭銀二十四兩

郡厲壇浮米銀三兩一錢七分

府縣學香燭銀二兩一錢

江夏縣志

卷三

賦役

五

府學廩膳銀九十六兩

縣學廩膳銀六十一兩三錢三分三釐

府監囚糧銀一百三兩三錢六分二釐

府禁卒工食銀三十六兩

縣監囚糧銀二十四兩五錢零九釐

縣禁卒工食銀四十八兩

府轎夫工食銀四十二兩

縣轎夫工食銀三十兩

縣門子工食銀十二兩

縣仵作工食銀十二兩

縣傘扇工食銀十二兩

縣庫子工食銀二十四兩

縣斗級工食銀二十四兩

浮橋夫工食銀七兩三錢二分

四路舖兵工食銀九百二十一兩六錢

縣丞皂隸工食銀三十六兩

典史皂隸工食銀三十六兩

鮎魚巡檢皂隸工食銀十二兩

山陂巡檢皂隸工食銀十二兩

金口巡檢皂隸工食銀十二兩

江夏縣志

卷三

賦役

六

澗黃巡檢皂隸工食銀十二兩

改設但店巡檢皂隸工食銀十二兩

藩經歷馬夫工食銀六兩

府學教授俸銀十五兩七錢六分

府學訓導俸銀十五兩七錢六分

縣學教諭俸銀十五兩七錢六分

縣學訓導俸銀十五兩七錢六分

縣學齋夫門斗工食銀五十七兩六錢

孤貧口糧銀一百二十三兩二錢五分四釐

縣民壯工食銀二百九十九兩零七分七釐

縣皂隸工食銀九十六兩

縣迎送皂隸工食銀一百五十二兩八錢九分六釐

縣馬快工食銀四十八兩

驛站

夏口驛站船水手二名每名銀六兩帶閏銀一錢共銀一十二兩二錢

將臺驛馬一十一匹每匹三十兩帶閏銀五錢共銀三百三十五兩五錢

東湖驛馬一十匹每匹銀三十兩帶閏銀五錢共銀三百五兩

山坡驛馬一十匹每匹銀三十兩帶閏銀五錢共銀三百五兩

夏口驛支應銀六十五兩六錢

將臺驛支應銀七十兩

江夏縣志

卷三

賦役

七

東湖驛支應銀二百四十兩

金口驛支應銀一百十四兩

將臺驛館夫二名每名帶閏銀共七兩三錢二分共銀一十四兩六錢四分

東湖山坡二驛館夫各二名每名銀五兩帶閏銀八分三釐三毫共銀二十兩

三錢三分三釐二毫

本府遞運所馬船修理銀一百三十五兩一錢二分

走遞馬夫

本縣走遞腳馬四十二匹每匹銀二十六兩帶閏銀四錢三分三釐三毫共銀一千

一百一十兩一錢九分八釐六毫

本縣排夫二百四十名每名銀七兩二錢帶閏銀一錢二分內六名入本縣轎傘夫外實走差二

百三十四名 共銀一千七百一十二兩八錢八分
短夫銀二百兩

以上係本縣原額所有現設等項一併開列

原設排夫奉裁外實存一百二十名乾隆十二年添三十名共一百五十名

共銀一千九十八兩扣除小建遇閏加增

短夫銀二百兩不加建不加閏

本縣合併將臺驛原設脚驛馬九十四匹乾隆二十二年裁十匹實馬八十四匹工料

等銀一千八百二十二兩四錢不加建加閏

支應銀五百六十六兩雍正十一年裁銀二百六十兩乾隆二十四年裁銀三十四兩存銀二百七

十二兩不加建不加閏

江夏縣志 卷三

賦役

六

東湖驛原設馬八十四匹雍正六年裁十匹乾隆二十四年裁二十匹實馬五十匹工料等

銀一千一百三十七兩二錢不加建加閏

支應銀一百三十六兩雍正六年裁銀三十兩乾隆二十四年裁銀三十六兩存銀九十兩不加建不加閏

加閏

山坡驛原設馬八十四匹雍正六年裁十匹乾隆二十四年裁二十匹實馬五十匹工料等

銀一千一百三十七兩二錢不加建加閏

支應銀一百三十六兩雍正六年裁銀三十兩乾隆二十四年裁銀三十六兩存銀九十兩不加建不加閏

加閏

土橋站乾隆三十年改設馬二十五匹草料馬夫銀五百四十四兩七

錢一分五釐不加建加閏

支應銀五十四兩一錢六分六釐不加建

兵部江濟水夫二百五十七名每名銀四兩九分五釐共銀一千五十二兩四錢一分五

釐每兩議京損銀一分三釐實徵銀一十三兩六錢八分一釐三毫零共銀一千六十六兩

九分六釐三毫零

又驛站不敷動支正項銀三千一十四兩七錢三分六釐八

毫零

二項連前原編額徵驛站共銀八千七百四十七兩三錢五

釐零內除豁免運夫丁銀一十二兩五錢五釐零又除坍塌銀十一兩三錢九分九毫零實徵銀八

千七百二十三兩四錢八絲零本縣額編驛站銀內動用銀五千六百一十七兩二

錢又於各屬裁馬夫銀內動用八百一十四兩四錢八分零又酌用買補馬價銀九百九兩九錢四釐零裁減夫馬

江夏縣志卷三 賦役 九

支應銀二千一百八十七兩六錢解道司庫充餉

更名地欸項

原額長江湖課銀二百五十七兩九錢九分余家湖一百三十四兩五錢一釐郭鄭湖二

三十五兩五錢湯孫湖二百二十一兩四錢五釐嚴家試一百六十四兩七錢四分三釐

魯湖二百三十一兩五錢一分九釐金口九十七兩二錢九分一釐斧頭湖一百七

錢四分梁子湖二百三十六兩九錢九分八釐九湖共魚課銀內除金口湖業戶鄧

飛遠水課改歸嘉魚陸下則麥地豁糧一兩五錢七分四釐實一千七百四十九兩七

錢五分四毫又順治八年帶徵嘉魚長河湖課銀一百三十二兩九錢九

分五釐原係漁戶辦納又新報王家港水課銀一兩

原額臨湖水鄉田地一千一百八頃三十一畝三分二釐一

毫

係民賦項下撥歸臨湖佃戶辦納照民糧則例起科

額徵秋糧一千九百九十九

石二斗八升一合二勺零 夏稅麥一百一十五石四斗

二升四勺零

秋糧額折

該租銀一千五百七十三兩三分

更名地畝九釐餉銀四百九十一兩五錢二分二釐零

原額田地草場山場湖滄基園等項共八百六十二頃五十

六畝七分五釐零該額徵租銀四千九百四十四兩三錢七

分七釐

內除遠年坍塌無徵銀五百三十五兩二分九釐又白沙洲無徵銀一百一十四兩八錢五分六釐

零又楊林州坍塌二十七頃三十四畝二分無徵銀一百

六十二兩八錢九分零又黃絲港坍塌三十一頃六十二

畝四分無徵銀二百兩又實荒坍塌田地三頃該成熟并

江夏縣志 卷三

賦役

三

墾弃田地等項共八百頃二十五畝八分零

內坍塌於乾隆十七年除

楊林洲地一十四頃八十四畝七分零三十年除下鷄鵝

又蕎麥草埠紅社楊林蕎麥灣內蕎麥新溢等處地五十

四頃五十九畝四分零除金沙洲基地五十六丈五尺四

十七年除下楚屯白沙洲地五十七頃一十九畝九釐零

嘉慶五年除新溢柳林二屯成熟田地等項共六百五十

地一十五頃八畝六分零 八頃五十三畝八分零該課銀三千八百二十二兩二錢

三分零 內除豁免坍塌租及帶派康熙三十九年穀折共

銀三百七十七兩一錢五分二釐零又除新溢柳

林豁免租餉及帶派穀折 實徵租課銀三千三百九十二

兩九錢八分零

查更名田地等項原未載有上中下頃畝則例今縣報墾額外田地每畝科銀二分

二釐及科銀一分八釐科銀一分七釐九毫七

額外更名田地

康熙十六年清出八十七頃九十二畝零該

課銀六十兩四錢七分零十九年清出水鄉

共二十二畝五分零科水一斗七升二勺六抄該租餉銀

一兩一錢六分零二十一年清出九十三畝四分零該課

銀一兩七錢五分零 二十二年開墾三頃三十五畝四分零該租銀六兩三分四釐零 二十三年開墾一十六頃六十畝該租銀一十兩 二十六年開墾淤長草場一頃九畝該租銀六錢五分四釐 三十二年開墾二十頃九十八畝一分零該租銀三十二兩六錢七分一釐零 三十六年首墾三十四頃五十六畝一分零該租銀二十四兩七錢三分零 三十九年開墾一十一頃一十三畝四分零該租銀二十兩一錢三分四釐零 四十年開墾一頃九十四畝五分八釐零該租銀三兩五錢二釐零 四十二年開墾一十三畝九分零該租銀二錢五分二毫 四十四年開墾一十三畝九分零該租銀二錢五分二毫 零八四十三年開墾二頃六十二畝九分九釐零該租銀一兩七錢七分七釐零 五十二年開墾七畝該租銀一錢二分六釐 道光十年清出下黃楚屯復淤地一十頃五十畝五分零墾科銀一十八兩九錢九釐 共清出及開墾田地一百九十二頃九畝七分零該課銀一百七十八兩一錢九分二釐零

原額穀田共三十六頃三十畝三分四釐零 每畝科穀四斗二升三合三勺

江夏縣志

卷三

賦役

三

二額穀一千五百三十六石八斗 每石折銀四錢六分六釐 該折銀七百一十六兩一錢四分八釐八毫 內穀折價重減銀五十畝數內攤徵報銷

又嘉魚縣改歸沙洲屯田地蘆洲共額一十頃五十八畝一分零 每畝派租銀二錢五分 額載租銀二十五兩三錢九分

外加九釐餉 每畝派銀六釐七毫三絲五忽零 該銀七兩一錢二分七釐零

代徵黃州衛屯田八頃四十九畝九分六釐六毫 每畝科糧一斗二升

共糧一百二石 每石徵銀三錢 共銀三十兩六錢 康熙七年每石加計料銀五分

蘆課 共實徵銀三十六兩六釐 佃戶辦納交布政司收

蘆課

各洲灘蘆洲地三百六十七頃四十六畝三分一釐零

原額銀四百四十三兩八錢五分八釐

順治十四年場卸缺課銀五十兩七分五

釐零未經開除仍照原課徵解

康熙三年丈出地一百九十七頃四十三

畝五分零

內除白沙洲不堪載課地四十七頃六十二畝七分零

實納課密稀蘆麥

地草塌草墻共五百一十七頃二十七畝一分零共課銀

八百一十二兩五錢八分三釐零

新增蘆地草地

康熙十六十九二十等年共增四十七頃九十七畝一分零該課銀六十二兩二錢一毫

零二十四年增七十五頃三十九畝四分零該課銀一百九兩五分三釐零

二十八分零該課銀三十一兩九分五釐零

三十八年增一十二頃四畝九分零該課銀一十二兩七錢八分五釐零

江夏縣志

卷三

賦役

三

該課銀五十三兩四錢三分三釐九毫零

二十頃五十分零該課銀三十八兩九錢四分零

五十三年增一十二頃五十七畝七分該課銀三十兩一錢四分五釐零

五十八年增一十頃九十五畝八分該課銀一十三兩八錢一分零

雍正二年增三十頃八十四畝三分該課銀二十一兩六錢一分九釐八毫

十三年增五十畝該課銀四兩九錢一分二釐零

乾隆四年增四十三頃六十四畝一分零該課銀二十一兩八錢五分六釐零

九年增一十六頃四十四畝六分零該課銀八兩三分五釐零

十四年增二十四頃八十八畝九分二釐該課銀五十九兩二錢二分二釐零

十九年增二十三頃三十六畝七分零該課銀五十六兩七分八釐零

二十四年增一十二頃八十八畝一分零該課銀二十九兩五錢八分三釐零

二十九分三釐該課銀一十三兩七錢一分零

三十四年增一十八頃十二畝二分零該課銀七十六兩六錢一分一釐零

三十九年增六十一頃一十五畝二分三釐零該課銀六十六兩二錢七分八釐零

四十四年增二頃一十畝五分零該課銀二十七兩七錢八分九釐零

九年增課銀四十五兩六分一釐 五十四年增課銀三十九兩七錢一釐 五十九年增課銀五十二兩七錢八分二釐 嘉慶四年增課銀一百一十三兩四錢二分一釐 九年增課銀二十九兩四錢九分三釐 十四年增課銀一百一十兩一錢六分三釐 十九年增課銀七十七兩五錢四釐 二十四年增課銀五十一兩八錢七分三釐 道光四年增課銀五十四兩三分九釐 九年增課銀四十八兩六錢八分六釐 以上原額並

新增共蘆課銀二千二百二十六兩六錢三分九釐零

原額並新增蘆洲地

自上復興洲沙洪嶺洲大青口汰青埠龍家溝馬船灣赤磯洋子灣天淤洲幫

洲灘天興洲大興洲上新淤洲下新淤洲復興東興洲犁頭洲天補洲子沙洲長生洲箕星洲鐵嘴洲泥灘洲犁尾洲塞磯洲磯窩又邊洲江渚洲江補洲幫生灘洲下幫生洲白鷺洲頂團洲頂元洲伏元洲龍坑官洲永興洲還賦洲上泥洲下泥洲小泥洲沙坡吊尾洲沐鷺洲百姓丈等七洲共計四十二洲上自嘉魚漢陽下至黃岡黃陂武昌交界之區均係濱江一帶 通共密蘆稀蘆葫荻麥地草場草墻計地

江夏縣志

卷三

賦役

五百四十九頃九十七畝七分三釐實徵課銀六百八十

一兩二錢九分六釐 不堪載課白沙地二百五十一頃五分九釐

漁課

梁天字號冊載額完漁課銀三十五兩零二分一釐

梁元字號冊載額完漁課銀三十四兩六錢二分九釐

梁黃字號冊載額完漁課銀三十三兩一錢九分二釐

梁又地字號冊載額完漁課銀四十四兩三錢二分三釐 正四十一兩一錢一分九釐

梁字字號冊載額完漁課銀三十一兩八錢六分四釐

同治三年六月內黃前縣詳請前藩憲厲援案轉詳前撫憲吳咨准部覆准於援案撥歸武昌縣就近徵解銀九兩一錢四分五釐其餘銀二十二兩七錢一分九釐坐落三城里各戶承納

梁宙字號冊載額完漁課銀三十四兩七錢九分二釐

青山總冊載額完漁課銀六十八兩二錢八分

嚴東湖冊載額完漁課銀九十四兩一錢七分七釐

嚴西湖冊載額完漁課銀九十五兩零八分

郭鄭湖冊載額完漁課銀一百四十八兩二錢七分七釐

余家湖冊載額完漁課銀一百二十八兩

都撫湖冊載額完漁課銀六兩

賽蓮湖冊載額完漁課銀三十三兩五錢九分八釐

南湖冊載額完漁課銀八十四兩一錢六分七釐

湯孫湖冊載額完漁課銀一百十五兩八錢七分

江夏縣志

卷三

賦役

一

黃家青林二湖冊載額完漁課銀一百二十三兩零八分六

釐

石嘴長江冊載額完漁課銀六十八兩二錢八分

金墉長港冊載額完漁課銀一百一十一兩四錢八分八釐

同治三年六月內黃前縣詳請前藩憲屬援案轉詳前撫
憲吳咨准部覆准於援案撥歸嘉魚縣就近徵解銀七兩
九錢一分一釐其餘銀一百零三
兩五錢七分六釐係江邑徵解

魯東湖冊載額完漁課銀一百一十一兩五錢四分五釐

斧頭湖冊載額完漁課銀一百九十五兩三錢九分九釐

鱗洲長河冊載額完漁課銀七十五兩二錢零四釐

同治三年六月內黃前縣詳請前藩憲屬援案轉詳前撫
憲吳咨准部覆准於援案撥歸嘉魚縣就近徵解銀七十

三兩三錢一分二釐其餘銀一兩八錢九分二釐係居住金口鎮赤磯屯地方之張楊李丁文彬李惟義三戶承納

金東西水冊載額完漁課銀一百八十四兩四錢七分五釐

咸豐七年十月內艾前縣詳請前藩憲馬查照例載寄莊地畝轉詳前撫憲胡咨准部覆核與定例相符准其撥歸坐落咸甯嘉魚蒲圻三縣就近徵解銀一百八十二兩二錢五分一釐其餘銀二兩二錢二分四釐係居住金口上下沙沈羅姓承納

青江總冊載額完漁課銀七十六兩一錢七分九釐

同治三年六月內黃前縣詳請前藩憲厲撥案轉詳前撫憲吳咨准部覆准於撥案撥歸嘉魚縣就近徵解

魯西湖冊載額完漁課銀一百五十三兩九錢三分二釐

大堤口冊載額完漁課銀五錢六分係坐落武勝門外樊佐

聖承納

江夏縣志卷三

賦役

五

總共額徵漁課正銀一千七百七十九兩七錢三分八釐

康熙三年查文得各洲原納藩租地外應納蘆課地五百六

十四頃八十九畝八分六釐零內除白沙不堪載課地內

釐五毫外現在納課密蘆稀蘆麥地草場草墻共五百一十七

頃二十七畝一分一釐八毫共課八百一十二兩五錢八

分三釐四毫

楚課

原額穀田三十六頃三十畝三分四釐八毫一絲每畝科穀四斗二升

三合三勺三抄額穀一千五百三十
六石八斗每石折銀四錢六分六釐

每畝科銀一錢九分七釐二毫零該徵銀七百一十六兩一

錢四分八釐八毫

此係康熙三十九年
詳請開除穀折則例

麥地基園一千八百五十頃六十四畝六分二釐二毫二絲
每畝科銀一分八釐該徵銀三千三百三十一兩一錢六分
三釐二毫

二共田地一千八百八十六頃九十四畝九分七釐四絲

自

熙二十年起至五十
九年止墾科在內

共該徵銀四千零十九兩七錢四分一釐彙入民賦項下統

解項兵
角獎無存

湖草場實徵銀三十二兩四錢九分八釐

代徵

籽粒銀三十六兩六釐

江夏縣志

卷三

賦役

美

以上各項通共徵銀五萬一千三百八十六兩七錢七釐八

絲零

內除紳衿優免銀一百七十
兩五錢四分六釐六毫零

義莊

賓興三莊

同治五年奉府訪查酌改章程由縣徵收解府每遇鄉會年
分飭學會紳請領分作賓興公車之費

程氏賓賢莊田坐落修賢二里一甲計田一十八石每年額

租一百六十三石册載正銀十二兩八錢九分漕米二石

二斗五升五合二勺在修賢二里一甲賓賢莊戶內完納

承種佃戶王家棟等

附舊志乾隆五十七年江夏縣貢生程雲炳價買黃合二里楊先壠水田一十八石額租一百六十三石陸地多段載課銀三兩四錢五分捐作闔邑鄉試場費田地界限北至倉庫山南至黃泥坂東至汪姓後并瞿家嶺脊嶺直下西抵高坡至鑼鼓嶺脊嶺直下爲界莊基一段坐落楊先灣草場一段坐落山門湖柴山一段坐落倉庫山中一節東至山頭下齊塘陸西至小陽坡下齊路上齊山頂大石爲界水塘十二口稻場石礮俱全入櫃正銀十二兩八錢九分上倉米二石二斗五升五合二勺在修賢二里一甲賓賢莊戶內完納契約呈學備案其田由學通詳各憲備案章程由縣議定每石租穀折價五錢五分內扣除五分給佃完納錢糧漕米悉其不敷並將課銀新米麪雞年糴等項俱給幫完糧券限定十月呈繳學官備案折租銀兩歲科一等前三名收管交典一分生息俟鄉試之年八月初四照有科舉名數多寡分發 又價買太平里石灰山口楊弼灣壠水田一十五石額租一百六十二石陸地多段載課銀五兩六錢四分捐作學宮歲修以及勾庭書院膏火田地莊屋週園毫無夾雜瓦屋莊屋一大村園林樹木隙地稻場石礮俱全柴山一段獨分水塘三口界外有田數畝與周姓相連水塘一口入櫃正銀九兩六錢九分

賦役

江夏縣志

卷三

七

七釐六毫上倉米一石七斗四升二合此莊舊有龍王塆山一段賣與詹姓其餘田地租課山場等項俱照程雲炳契約管業內撥田五石租五十三石九斗二升三合課銀一兩八錢八分作學宮歲修錢糧三兩二錢三分一釐兌米五斗八升在修賢二里一甲敬賢莊戶內完納租穀每石折價五錢五分扣五分給佃完納錢漕課銀新米雞麪年糴等項亦幫佃完納折租銀兩佃人赴學呈繳餘田十石額租一百八石七升七合課銀三兩七錢六分作勺廩書院膏火錢糧六兩四錢六分六釐六毫兌米三石一斗六升二合在修賢二里一甲希賢莊戶內完納至錢糧租穀一照學宮歲修章程折租銀兩佃人呈繳本縣衙門收存每年九月發給肄業童生出具領字各領三兩此田契約亦呈縣學立案一切章程通詳各憲立案永垂不朽

甘氏哲興莊田坐落橫山里陳家小廟計田三十石零每年

額租三百二石一升二合冊載正銀十三兩二錢七分八

釐漕米二石三斗六升五合在橫山二里甘哲興戶內完

納承種佃戶陳必有等

附府志乾隆六十年江夏縣儒士甘希賢價買龔廷祿等
水田二十九石四升四合額租穀二百九十四石七斗九
升付歲科新進院首經營以十分之七給諸生鄉試費十
分之三給公車北上費坐落橫山陳家小廟老灣田二十
石八斗六升五合租穀二百七石六斗又水田四石七斗
二升五合租穀四十七石二斗五升四門沖水田二石一
斗四升租穀二十七石陳家灣廟側水田一坵七升又老
灣東首租穀五斗又四門沖田一石二斗四升四合租穀
一十二石
四斗四升

田氏樂荆堂田坐落夾山唐家壠程禾壠計田三十石每年

額租三百六石內除崩塌田四斗零實租二百九十九石

四斗册載正銀十八兩九錢一分加耗漕米三石二斗八

升八合在樂荆堂戶內完納承種佃戶唐廷秀等

江夏縣志 卷三

賦役

一

附大觀書院碑記道光二十三年公議來蘇里樂荆堂前
於道光十三年義捐夾山唐家壠程禾壠田三十石每年
額租穀三百六石分爲鄉會實興之費議有章程呈縣通
詳在案道光十五年眾公車以所分無多將租簿繳縣遂
寢其事迄今廢弛日久田近荒蕪租飽縣役公勸樂荆堂
再捐錢一千串交公生息以補鄉會之費樂荆堂欣然樂
從先行赴縣請簿收租以定興復之局再將捐錢如數送
縣稟請發典生息租息二項鄉會場各取一半派分惟是
凡義舉日久弊生總由承辦者不力抑或侵蝕肥私遂漸
至有名無實此舉必須管理得人預杜流弊方可公事公
辦無不落實現照舊章酌定十條除
錄呈縣立案外悉刊於石以垂久遠

計開

- 一 捐田三十石額租三百六石現跡得唐家壠換港田十
- 一 坵田塍被港水沖塌須將原塍開溝另培田塍田面約
- 一 仄四升零計減租五斗此外無減
- 一 唐程二壠連界俱係膏腴上產遇極大之水極旱之年
- 一 略有淹乾佃人來報經管者一齊到莊逐田親驗秉公
- 一 酌減盤費在公項內扣除
- 一 唐家壠老租斛大漢斛三升可餘斛面穀七石五斗程

禾壠租解係漢斛無餘所餘斛面穀分給唐程二壠四莊頭酬其領佃催租各薪勞以專責成

一徵銀共十八兩九錢一分加耗完納合省平九九紋銀二十一兩九錢四分八釐漕米共三石二斗八升八合折銀合省平九九紋銀十二兩以後照舊封送縣署繳內取券呈照

一收租定於七月十五日到莊照數收齊佃戶挑送楊橋馬頭上船裝載到城變價船錢在公項內扣出到莊之日佃戶照舊例按田三石辨上下席各一泉輪流供應佃戶有一抗欠卽送縣嚴加懲追決不任差受賄延塌以長刁玩經承給筆資錢二千文差人給盤費錢三千文

一租穀變價之錢除完錢漕及各項費用外統交錢號七釐生息鄉場年分八月初一日先取一半連典息一半照人數派定初六日在大觀書院分發會場一半是年十一月初一日一併取回照實價換紋由信行寄京交本邑京官收存次年三月初一日在江夏試館派分信腳錢在其中扣出

一經管原議新舊舉班二人共司其事但典息易收田租難收舉班中不必盡諳田事抑或遠館宦游臨時不免

江夏縣志

卷二

賦役

完

代替且按科更一生手未能遽悉一切事宜祇聽一人作主恐於公事有悞嗣後無論已未申式之人公舉精明公正者三人同管正科二屆六年中換換一人不惟熟者退生者熟卽三人中有一事故亦不致缺人至辛俸原議祇有地課新米新麵新雜等項分送未免過薄恐公舉之人憚勞推辭今酌定每人取辛俸錢八千文庶幾公私兩益

一經管者赴莊車馬一切費用原議紋銀六兩今添一人費用不敷約計錢十二千文足矣以後卽以此數爲定至鄉場發錢之日飯食雜用錢以二千文爲止

一原議縣中司文卷之吏每年筆資元銀二兩催租之役每屆盤費元銀四兩嗣後我輩親管何勞縣書何用縣差此項可裁至司鄉場名冊之學書府學人少酌給紙筆錢五百文縣學人多酌給紙筆錢八百文

一原議撥存留租錢十分之一以爲大觀書院祭祀香火與住持應酬佃戶之賞伏思佃戶併無一事到院住持有何應酬今改爲每年收租後付香火錢二千四百文在院發錢之年在持備辦桌椅茶水一切給錢一千五百文

道光二十三年歲次癸卯四月二十七日闔邑紳士公立

陳氏義莊邑紳陳鑾捐置以贍族者田畝坐落未詳

袁氏興善莊邑紳袁太華捐置各產每年約收租銀一千四

百兩內除提一成修理外餘作四股分派一股賓興公車

費一股義學送藥施茶種痘等事一股嫡堂子姪膏火一

股本支子孫養贍刊有條規

附各產坐落地方一省城斗級營五聖廟房屋一所坐南
向北前後三層東首江城別墅房屋二層四面牆垣俱
屬本宅脩造興善莊辦公之所

一省城撫院街高升巷東斜對過房屋一所坐南向北寬
十丈五尺深二十一丈抵山以左右隣房一齊為界四
面牆垣俱屬本宅

一省城察院坡正街青龍巷東斜對鋪樓房屋二進空寬
一丈八尺深九丈五尺左右牆垣俱屬隣宅每年租銀
九十六兩

一省城察院巷口東斜對正街房屋一所前鋪樓後平屋

江夏縣志

卷三

賦役

三

空寬一丈六尺五寸深三丈六尺左牆屬隣宅右牆後
牆屬本宅每年租銀七十二兩

一漢鎮郭家巷口正街老岸鋪樓房屋左右兩進寬三丈
三尺深四丈二尺五寸左首抵巷右首抵守府衙門左
右後三面牆垣俱屬本宅前兩門面每年租銀三百三
十二兩

一漢鎮鮑家巷下首正街河岸左首鋪面一間右鋪後屋
另有業主中間公眾走道鋪櫃寬一丈零三寸深二丈
六尺五寸左邊後面俱係隣宅牆垣每年租銀一百四
十兩

一漢鎮鮑家巷口上正街老岸鋪樓房屋三進半前寬九
尺後寬二丈一尺五寸深十丈五尺右係隣牆左首巷
內牆垣及後牆中牆俱屬本宅前後每年租銀三百八
十兩

一漢鎮新巷口上正街老岸鋪樓房屋兩層寬一丈一尺
深三丈二尺鋪面樓上寬一內行門路左邊隔牆右邊
牆垣俱屬本宅後牆屬隣宅每年租銀一百六十兩

一漢鎮升基巷之上承甯巷之下正街中間老岸鋪樓房
屋兩進半前寬二丈三尺後寬二丈一尺深七丈六尺
鋪後橫牆及右首牆垣俱屬本宅左首後面兩牆俱屬

鄰宅前後每年租
銀二百九十二兩

夏氏捐附興善莊辦理府街口房基一段自青龍巷東巷口

起向南門面寬五丈八尺小巷內中寬十一丈餘抵後墻

自前至後南北深十九丈五尺俟蓋造取租送小考試卷

袁氏興善莊於光緒七年續捐漢鎮房屋三所省城東南各

鄉田畝二十五庄推廣武昌府十州縣賓興公車費及添

設義學膏火周濟孤貧等事歸入興善莊內增定條規分

別辦理由縣轉詳 奏咨立案

一漢鎮大碼頭正街向北鋪房一所向東二箇南至北三

丈五尺東西一丈次尺每年現租錢二百六十二千文

一漢鎮鮑家巷正街河岸鋪後內行樓房二棟寬二丈五

尺五寸深後至河心每年現租錢三百二十千文

江夏縣志

卷三

賦役

一漢鎮打扣巷財神閣對面鋪房一所寬八尺八寸深二

丈每年現租錢七十五千文

一省城東鄉從善里沈家壠田租一百六十石錢漕正銀

八兩正米一石叁斗七升

一省城東鄉官廖屯田租一百四十四石錢漕正銀五兩

八錢六分六釐正米一石零四升

一省城東鄉烏石嘴孫家壠田租一百三十五石錢漕正

銀十兩零三錢一分七釐正米一石四斗九升零一勺

一省城東鄉大佛寺劉家庄田租六十三石錢漕正銀三

兩二錢四分一釐正米五斗四升

一省城東湖壩老三灣田租八十一石六斗錢漕正銀四

兩五錢五分二釐正米七斗五升七合

一省城南鄉五里界葉庄田租八十四石六斗錢漕正銀

四兩六錢一分二釐正米七斗六升八合五勺

一省城南鄉高橋倪庄田租一百四十八石八斗錢漕正

銀九兩正米一石四斗三升

一省城南鄉太平橋蕭庄魏家壠田租一百一十六石五

斗錢漕正銀六兩正米一石一斗二升四合

一省城南鄉迴龍寺左庄墻子墪田租七十一石二斗錢

漕正銀五兩二錢正米八斗一升三合

一省城南鄉來蘇里朱吳庄田租四十八五斗錢漕正銀
 二兩七錢七分八釐八毫正米四斗七升零五勺
 一省城南鄉來蘇里萬庄田租八十二石四斗錢漕正銀
 五兩三錢五分三釐二毫正米九斗零六合六勺
 一省城南鄉羅齋山楊左庄朱庄田租二百五十八石錢
 漕正銀拾伍兩正米二石五斗
 一省城南鄉葉王礮土庫壠田租一百四十石錢漕正銀
 八兩三錢八分七釐正米一石三斗九升八合
 一省城南鄉錦繡山羅家壠田租一百三十石錢漕正銀
 四兩一錢二分八釐正米六斗八升八合
 一省城南鄉錦繡山周家壠田租八十石錢漕正銀四兩
 一錢四分正米六斗八升八合
 一省城南鄉紙坊花山謝家壠田租一百四十二石八斗
 錢漕正銀八兩六錢一分正米一石四斗三升五合
 一省城南鄉下恩里烏骨山田租六十一石三斗八升錢
 漕正銀三兩八錢八分八釐正米七斗
 一省城南鄉夜泊山下田租一百零六石七斗錢漕正銀
 六兩七錢四分正米九斗四升四合
 一省城南鄉高礮寺游家畝田租一百四十石錢漕正銀
 八兩四錢正米一石四斗

賦役

後

江夏縣志

卷三

一省城南鄉沙嘴團墩田租一百二十二石四斗錢漕正
 銀八兩二錢九分正米一石二斗四升
 一省城南鄉白木嶺曹家壠田租二百一十二石二斗錢
 漕正銀十四兩零五分二釐正米二石一斗零一合
 一省城南鄉白木嶺岳家壠田租九十二石五斗錢漕正
 銀四兩柒錢七分正米七斗六升五合
 一省城東鄉石山古堤大溪嘴田租三百三十八石四斗
 錢漕正銀廿兩零一錢三分正米三石三斗四升九合
 一省城東鄉石山寺大溪嘴田租五十三石錢漕正銀三
 兩一錢八分正米五斗三升
 一省城東鄉廣福屯田租四十五石九斗楚稞正銀一兩
 七錢二八五厘

以上二十五庄田畝應征錢糧光緒六年稟縣定案另立

興善仁興善義興善禮興善智四戶注歸一征一耗完納

光緒七年藩司頌發告示嚴定各庄佃戶承種完租章程
 及刁玩拖欠取巧等弊一切規條分貼各鄉並刊碑石立

於五里界楊左庄兩處收租倉屋門首曉諭

新增釐稅

咸豐四年戶部議覆大臣勝保奏勸諭商販抽釐助餉章程
通行直省試辦湖北於克復省城後七年督撫會商札飭所

屬遵辦在省城設牙釐總局委道府經理江夏縣設局卡四

省城釐金局

抽收城內門市
並起坡落地釐

城外鮎魚澆卡

抽收城外門市
並起坡落地釐

金口牙釐局

水卡抽收大江運入裏河暨本鎮起坡門市
並本地出產百貨釐兼辦本縣所屬牙帖

法泗洲分卡

水卡抽收咸甯斧頭湖出口
並本地出產門市百貨釐

按釐稅征之於商而商仍取之於民故朝廷軫念民艱
屢次奉 詔裁撤分卡蓋寬一分則民受一分之惠所願

江夏縣志

卷三

賦役

三

承平早奏省兵郵民一切無
藝之征庶幾永行停止耳

江夏縣志卷三

禮樂志五

禮 祠廟 陵墓附

慶賀禮節 春秋丁祭禮節 祭壇廟禮節 鞭春 勤農 朔望宣講 聖諭 鄉飲酒禮 寶輿

禮以節性樂以防淫君子曰禮樂不可斯須去身先王以此坊民民猶有棄禮而亂樂者

會典所載通禮雅樂各直省皆遵行之所以辨等威明上下宣和豫通幽明雖未嘗日以之教國人而習其聲容著其儀度使愚賤之耳目濡染焉而不知然則道之以政齊之以刑誠不知道德齊禮者之人人深也長民者胡可忽乎此

慶賀禮節

江夏縣志卷三

禮樂

三

萬壽聖節守土官預於公所正中恭設

皇帝萬歲龍牌於亭南向先期灑掃陳設其日五鼓齊集知縣教雜等官均朝服隨同督撫司道行禮班在知府同知通判之後贊禮生贊齊班各至拜位前贊跪叩興羣官行三跪九叩禮畢退班席地坐朝起更衣前後三日皆蟒袍補服忌辰服素後補一日賀元旦長至儀同長至前後蟒袍補服各一日

春秋丁祭禮節

先期於奉文後移知學官傳集諸生敬謹將事預辦牲牢祭品陳設祭器樂器恭繕祝文張執事榜於明倫堂先一日省牲眠版屆期先祭

崇聖祠教諭正獻食餼弟子員分獻贊上香行一叩禮興不降贊

階復位行三跪九叩首禮初獻帛爵行三叩禮讀祝行一叩

禮興不贊復位亞獻三獻皆贊行三叩禮復位行三跪九叩禮

焚帛焚祝如儀

大成殿知縣正獻其貳以及所屬分獻兩序兩廡行禮儀節均

與督撫祭武昌府學同

祭器樂器均不及府學之備樂舞生以同日致祭專供府學故祭縣學設

而不祝辭曰維某年月日某官某致祭於

至聖先師孔子曰惟

先師德隆千聖道冠百王揭日月以常行自生民所未有屬

文教昌明之會正禮和樂節之時辟雍鐘鼓咸恪薦於馨香泮

江夏縣志

卷三

禮樂

三十三

水膠庠益致嚴於邊豆茲當仲

春秋

祇率葵章肅展微忱聿將

祀典以

復聖顏子

宗聖曾子

述聖子思子

亞聖孟子配尚

饗

迎

神樂奏昭平之章辭曰大哉

孔子先覺先知與天地參萬世之師祥徵麟紱韻答金絲日月

揭乾坤清夷

無舞

初獻樂奏宣平之章辭曰予懷

明德玉振金聲生民未有展也大成俎豆千古春秋上丁清酒既載其香始升舞羽籥之舞

亞獻樂奏秩平之章辭曰式禮莫愆升堂再獻響協鼓鋪誠

孚巽獻肅肅維維譽髦斯彥禮陶樂淑相觀而善

舞如初獻

終獻樂奏敍平之章辭曰自古在昔先民有作皮弁祭菜於

論斯樂惟

天牖民惟

聖時若葵倫攸敍至今木鐸

舞如初獻

江夏縣志

卷三

禮樂

三四

徹饌樂奏懿平之章辭曰

先師有言祭則受福四海巖宮疇敢不肅禮成告徹毋疏毋瀆樂

所自生中原有菽

無舞

送

神樂奏德平之章辭曰鳧繹峩峩洙泗洋洋景行行止流澤無疆

聿昭祀事祀事孔明化我烝民育我膠庠

無舞

崇聖祠祝辭曰維某年月日某官某致祭於

肇聖王

裕聖王

詒聖王

昌聖王

啓聖王曰惟

王奕葉鍾祥光開聖緒盛德之後積久彌昌凡聲教所覃敷率循
源而溯本宜肅明禮之典用申守土之忱茲屆仲春秋聿脩祀
事配以

先賢孔氏孟皮

先賢顏氏

先賢曾氏

先賢孔氏

先賢孟孫氏尙

江夏縣志

卷三

禮樂

三五

饗

月朔釋菜望日上香教諭訓導等官分班行禮儀節視丁祭
爲殺惟獻爵不奠帛不讀祝不迎送不三獻不樂不舞不用
牲釋菜陳菜棗栗各一豆上香不設豆

廟左右附建

名宦

鄉賢

忠義孝弟

節孝四祠歲春秋釋奠禮畢教諭一人公服詣祠致祭是日
清晨廟戶啟祠門拂拭神案執事人入陳羊一豕一邊四豆

四鑪一鐙二陳祝文於案左陳壺一爵三帛一香盤一於案
右引贊二人引王祭官入詣案前北面立禮生自右奉香盤
主祭官三上香訖引贊贊跪叩興主祭官跪三叩興禮生自
右授帛主祭官受帛拱舉仍授禮生獻於案上禮生挈壺酌
酒實爵自右跪授爵主祭官受爵拱舉仍授禮生與獻於案
正中讀祝者取祝文跪案左引贊贊跪主祭官跪讀祝辭曰
維某年月日某官某致祭於

忠義孝弟之靈曰惟

靈稟賦貞純躬行篤實忠誠奮發貫金石而不渝義問宣昭
表鄉閭而共式祇事懋彝倫之大性摯莪蒿克恭念天顯之

江夏縣志

卷三

禮樂

三六

親情殷棣萼模楷咸推夫懿德

綸恩特闡其幽光祠宇維隆歲時式祀用陳尊簋來格几筵尙
饗讀畢以祝文復於案退主祭官俯伏興執事者酌酒獻於
左又酌酒獻於右退引贊贊跪叩興主祭官跪三叩興執事
者以祝帛送燎引贊引主祭官出執事者徹皆退各祠同
節孝祠祝曰惟

靈純心皎潔令德柔嘉矢志完貞全閨中之亮節竭誠致敬
彰閭內之芳型茹冰蘖而彌堅清操自勵奉盤匱而匪懈篤
孝傳徽

絲綸特沛乎殊恩祠宇昭垂於令典祇循歲祀式薦尊醪尙

饗按通禮原注名宦鄉賢二祠祝文各省州縣所在異辭不悉載
祭壇廟禮節

社稷壇

風雷雲雨山川壇

先農壇

神祇壇

常雩壇天旱祈雨以時致禱

玉皇閣

關帝廟春秋上戊日祭禮節與祭至聖先師同

文昌廟春秋祭儀與關帝廟同

江夏縣志卷三

禮樂

三七

龍神廟

江神廟

既濟宮

劉猛將軍廟

八蜡廟

漢神楊四水府廟

府縣城隍廟

旗纛廟

郡厲壇

賢良祠

昭忠祠

以上皆督撫主祭知縣各官隨班行禮一切儀節悉遵

大清會典載在通志惟厲壇以府縣主祭每歲春清明秋七月望
冬十月朔先期牒告城隍至日禮以爲主出祭無祀鬼神分
東西兩案祀之昭忠祠城隍廟亦府縣主祭

鞭春

先立春一日府縣迎春於東郊屆時知縣率領所屬詣府署
隨同知府祀芒神鞭春牛是日皆蟒袍補服

勸農

耕藉自督撫以下次第扶犁播種行九推禮知縣與焉具花

江夏縣志

卷三

禮樂

三十八

紅酒草帽蒲扇分資老農力田者

朔望宣講

聖諭

眾官公服詣講所禮生恭請

聖諭眾官序立俟過皆席地坐講生登臺循十六條次序敬遵

廣訓講解譬以通俗方言使眾易曉講一條畢眾官起立禮生下臺

恭送

聖諭還庠原所知縣於下鄉治事之便或在鄉鎮人民聚集處設臺

宣講隨時化導不必定期

鄉飲酒禮

每歲以孟春望日孟冬朔日舉行於儒學前一日執事者於儒學之講堂依圖陳設坐次司正率執事諸生習儀至日黎明執事者宰牲具饌主人及僚屬司正先詣學遣人速賓僕以下賓至主人率僚屬出迎於庠門之外揖入主居東賓居西三揖三讓而後升堂東西相向立贊兩拜賓坐僕至主人又率僚屬出迎揖讓升堂拜坐如前儀賓僕介至既就位執事者贊司正揚觶引司正由西階升詣堂中北面立執事者贊賓僕以下皆立贊揖司正揖賓僕以下皆揖執事者以觶酌酒授司正司正舉酒曰恭惟


朝廷率由舊章敦崇禮教舉行鄉飲非爲飲食凡我長幼各相

勸勉爲臣盡忠爲子盡孝長幼有序兄弟恭內睦宗族外和鄉里無或廢墜以忝所生讀畢執事者贊司正飲酒飲畢以觶授執事執事者贊揖司正揖賓僕以下皆揖司正復位賓僕以下皆坐贊讀律令執事者舉律令案於堂之中引讀律令者詣案前北面立贊賓僕以下皆立行揖禮如前讀畢復位執事者贊供饌案執事者舉饌案至賓前次僕次介次主三賓以下各以次舉訖執事者贊獻賓主起席北面立執事者酌酒以授主主受爵詣賓前置於席稍退贊兩拜賓答拜訖執事者又酌酒以授主主受爵詣僕前置於席交拜如前儀畢主退復位執事者贊賓酬酒賓起僕從執事者酌酒

授賓賓受爵詣主前置於席稍退贊兩拜賓僕主交拜訖各就位坐執事者分左右立以次酌酒獻三賓眾賓徧賓主以下酒三行供羹執事者以次酌酒飲酒供饌三品畢執事者贊徹饌候徹饌案訖贊賓僕以下皆行禮主僚屬居東賓僕介眾賓居西贊兩拜訖贊送賓以次下堂分東西行仍三揖出庠門而退

律令凡鄉飲酒禮序長幼論賢良別奸頑其坐席閒高年有德者居上高年誠篤者次之以次序齒而列其有違條犯法者不許干與良善之席違者罪以違制敢有誼譁失禮者揚觶者以禮責之

鄉飲酒坐次圖



案學政全書禮部則例皆有鄉飲酒坐次圖賓僕介主四席皆斜設與通禮賓南介東主西之向不同又無監禮樂工之次今據會典繪圖以符通禮坐次

賓興禮

擇吉於縣大堂東西排設筵席先於堂下立綵橋桂樹以象月宮是日俟科舉諸生齊集庭叅畢各就坐演聚魁捷報等劇畢起席命禮房為諸生簪花披紅由月宮折桂鼓樂導出縣正送橋外上馬

祠廟

社稷壇在望山門外

風雷雲雨山川壇在後所營

先農壇在賓陽門外洪山左

神祇壇在賓陽門外

江夏縣志

卷三

禮樂

四

常雩壇壇無常所多設於城隍龍神各廟

玉皇閣在三道街

關帝廟在長街仁壽一舖

文昌廟在長街仁壽一舖

龍神廟在後所營

江神廟

漢神楊四水府廟均在文昌門外濱江

既濟宮在仁壽一舖

劉猛將軍廟

八蜡廟均在保護營

府城隍廟在府學宮西

縣城隍廟舊在縣署西兵火後與縣署皆并入貢院久未復建
同治八年知縣王庭楨重建於花隄

旗纛廟

郡厲壇在武勝門外

賢良祠

昭忠祠均在長街三佛閣巷內兵火後尙未修復不可廢也
胡公祠在黃鶴樓後斗姥閣舊址祀巡撫胡文忠公

王公祠在花隄縣城隍廟左同治八年邑紳公請捐建祀贈
知府銜王公恩綬公次子庭楨時任江夏知縣捐錢一千串

江夏縣志

卷三

禮樂

聖

以爲時祭歲修經費價買房屋二所坐落城守叅署後左抵
徐姓右抵劉姓前抵官街後抵得勝廟四界牆脚俱屬本業
右一所三間前後房天井二廂房廚房各一左一所二間前
後房天井二廚房一共寬五丈一尺深五丈九尺時值制錢
二百八十串加修理錢一百二十串每月約計租錢六七串
栽立王公祠祭產界石屋契租摺仿照胡公祠歲修經費章
程均歸衡善堂董事經管其餘六百串交該堂收存置買田
房收取租息每年約可得錢百數十串除去祠僧看守香火
祭祠薪資等項用欸盈餘亦卽彙發質典生息多則添置產
業每屆年終開列收支用過數目登簿呈 縣備查

新建昭忠祠在糧道街武昌左衛衙門舊址

按昭忠祠宜專祀戰士及守土遇害者其殉難紳民婦女別立忠義節烈祠以祀庶不相紊淆而於祀典各有當焉

合建表忠專祠在後府街祀前湖廣總督吳文節公文鎔湖北巡撫陶文節公恩培布政使銜浙江甯紹台道羅忠烈公澤南安徽布政使劉勤壯公裕鈔按察使銜江蘇候補道攝六合縣事溫壯勇公紹原

按諸公均應有專祠地方無力分建故合建一祠

節義祠二一在縣學儀門右祀江夏縣教諭魯公唯訓導阮公熙仁及本學文武生員四十九人一在上鸚鵡里張公渡前咸豐十年官紳捐資建專祀五年七月二十六日八分山

江夏縣志

卷三

禮樂

三

團勇之死者男婦大小計一千數百人是役也胡中丞駐軍金口檄團勇導官軍擊賊官軍潰走而團勇獨死之膏血塗於原野姓名炳於日星省中昭忠祠猶不免於濫此則獨得其實足使鄉之人聞風欽慕焉

忠節祠二一在縣東長街祀左都督徐勇順治閒死辰州之亂贈太子太保賜今額一在縣北糧道署右祀糧道葉映樞康熙二十七年映樞死夏逆之亂因建今祠事詳_{兵備志}

表忠祠在縣東長街萬曆二年都御史趙賢檄知府李向陽建祀明建文朝靖難四臣安陸姚善以守姑蘇約四郡勤王死應城樊士信以司馬郎守淮河死襄陽廖昇以太常少卿

編史不諱死沅州周拱元以錦衣鎮撫檄護餉舟死尙書徐學謨有記後徐勇附主於內今祠移御菜園廢

三忠祠二一在縣城祀楚三閭大夫屈原漢長沙傅賈誼唐杜工部甫提學高世泰建一在府署儀門內祀省城三陷時任武昌府事明公善延公志多公山武昌府知府如山建

徐公祠在教場湖

楊公祠在高冠山下祀總督贈太子少保楊宗仁

岳公祠二一在縣東天悅寺前一在金口迴峯寺左

賀公祠在府學前祀文忠父理學陽亨先生並文忠西山賊變文忠孫士聰士廉流離浙省祠宇封鎖致祀典久廢康熙

江夏縣志

卷三

禮樂

四十四

六十一年闔邑紳士公請詳復

張公祠在沱泥灣

四賢祠二一在賓陽門內祀周子二程子朱子附王文成公一在縣學明倫堂後祀邑先輩吳忠烈裕中郭文毅正域熊襄愍廷弼賀文忠逢聖

雙孝祠在縣學內祀黃尙書香孟司空宗

三閭大夫祠 陶桓公祠均在雙孝祠右今名屈陶祠

歷代名宦祠在學宮敬一亭左置主自東漢以後及

國朝通計三百一人知縣潘宗鼎建有記今廢

周公瑾祠在料鈔廠右今猶存其址

魯子敬祠在城西江邊

周子祠在武勝門外祀宋濂溪先生

孝感祠在縣東二里祀孝子孟宗宋紹興開建明代遷武昌
衛堂北卽宗故宅宏治初知府冒政改建於大東門外白鶴
山戊午御史王恩以岳武穆王合祀匾曰忠孝祠知府陳晦
立石大學士王鏊有記今武穆別祀其祠仍舊

蔣王祠在縣東祀金陵蔣山之神

馬烈女祠在文昌門外

馮大憲祠在縣西明萬厯中稅璫陳奉恃勢虐民所在激變
巡道馮應京命健卒縛璫使而投之江爲璫所奏被逮士民

泣送江干者數千人立祠祀焉提學杜子俛有記

熊司馬祠在修賢里祀田十石邑人公置詳載章太守碑記
見藝文後田爲人奪去邑紳黃汝南請於當事復

陶公祠在金口迴峯寺之左祀晉陶淵明先生淵明過塗口
有詩里人段燦序之甚詳乾隆中甘肅程永洌官茲土燦孫
追文因謀之周光榮等醵金建祠追文刻乃祖文於石且留
聯云地以人傳江上吟詩曾過去神猶水在籬邊種菊定歸
來遂成金口勝迹

宋大憲廟卽旣濟宮俗名火星堂在明月橋左漢宋無忌爲
火精唐牛僧孺立廟祀之禳火災明宏治閒重建提學沈鍾

有記

蒲圻廟在南樓西俗傳神為邑阜令峻刑神陰取牲血灌杖端及杖血出犯者多免久之行市中人見其足去地尺許因冲舉祀為神

忠烈廟二祀岳武穆一在縣東五里旌忠坊乾道六年建廟於鄂書精忠報國四字於影牆康熙三十三年王二十四世

孫宏譽提學湖廣捐千餘金重建勒碑有記一在賓陽門內

青草坡萬厯八年都御史李貞建有啟忠祠廟左祀王父母仰忠書

院廟右教王裔並置園圃門外右翟李王三都御史朱巡按為置祀

田招賢里傅家冲高樓冲土地冲孫家冲橫山村駙馬墳每年春秋祭祀銀五兩二錢

江夏縣志卷三

禮樂

哭

八分香火銀二兩四錢五分載江夏賦奉祀生二名册入武

昌府學詳咨禮部給照明季祠為僧踞改一指菴王像移殿

側康熙十一年裔孫生員重霄上控中丞徐化成為飭查清

復重修有記知縣馬中駿題額改正康熙十七年都御史張

朝珍有重修記二十二年都御史王新命復修有記乾隆三

十四年奉

恩詔修理五十二年補給奉祀生二名執照世奉王祀載學政全書

忠義廟在縣北宋建炎閒金騎渡江郡守李宜嬰城固守民

賴以安後為敵所得遜僧寺僧疑而殺之百姓感傷建祠祀

焉太守馬去疾以聞賜今額

古靈濟龍王廟在八分山嘉慶二十五年三月奉

旨加封宣潤敷化龍神道光十五年

御製澤敷江漢匾

張公書院在青石橋祀武昌府通判張公芑與葉忠節公同

按公與葉忠節公同遭叛卒夏逢龍之亂事平復官以疾卒士民感戴請入名宦復建書院江夏縣春秋致祭今廢

劉公書院在賓陽門內祀中丞劉公兆麟公子殿衡復撫楚

重加修葺今廢

李公書院在撫院街

陵墓附

黃瓊墓在太平里其祖墓在黃陵山東南漢唐古誌云在青

江夏縣志

卷三

禮樂

吧

石邑今其地有青石舖或邑為驛之訛墓在蔡氏莊後今失

按黃香墓在德安府署後

黃琬墓相傳在縣東永豐里

孟母墓在縣北鳳凰山麓卽宗母也又云宗墓附焉

陶侃墓九域志在江夏今失其處明沈世昌云在夾山里花

山下

朱條墓在縣城不詳其處

李道宗墓在靈泉山憲寢下

李善李邕李暄李鄘四墓舊在九峯山以楚藩建寺移之盤

龍山下李盛墓附焉

按善邑徙廣陵未
歸葬舊志疑誤

李磻墓在靈山東數里胡宅後近湖

馮京墓在縣南百里保安池上靈溪鄉有司徒廟沿山別有祖塋

張鵬墓在縣西紙坊南五里石人山

沈如筠墓在天馬峯下昭陵左

陳友諒墓在城內臬司後黃鵠山或曰疑塚也明太祖履祭手書人修天定四字於壤所萬厯末年陳璫稅楚掘古墓至此風沙晝晦雷聲殷殷工散云始霽

明楚藩昭莊憲康靖端愍恭八王墓在縣東六十五里永安

江夏縣志

卷三

禮樂

哭

懿簡莊惠悼懷靖懿昭定五郡王墓巴陵悼簡王墓俱在縣東

壽昌安僖靖和莊穆三郡王墓俱在縣西興源通山靖恭莊

簡安惠溫定莊穆五郡王墓俱在縣東

景陵順靜王墓在縣東

江夏康靖悼順安惠端僖四郡王墓俱在縣東

東安恭定昭簡二郡王墓俱在縣東

大治王墓在縣東

縉雲懷僖郡王墓在縣東永豐山

孝子墳在縣北招賢里孝子李華五爲母王氏廬墓以衣兜

土成墳故名碑文剝蝕僅存嘉靖年生於雲夢縣孝男李華五華九十數字隔里許有甬臺山爲孝子祈甬處今遇旱猶禱焉

保康王墓在縣東

叅將張善墓在縣東南長樂山

通志繫之漢漢無叅將銜按楚紀明人也

叅政吳雲墓在縣西南金口明初使雲南不屈死還葬於此

雲江南宜興人明紀載雲南梁王遣人收雲骨葬給予孤獨寺或後遷葬於此也宏治中贈雲尙書謚忠節

都御史徐鏞墓在縣東五里洪山北

提學副使沈鍾墓在縣東南夾山村南湖嘴

江夏縣志

卷三

禮樂

四九

賀時泰墓逢聖父葬在縣東八分山逢聖於山下置祭田十

六石內五石連山脚奉部丈量正山直長八十丈五尺橫寬

四十三丈七尺左山直長十七丈五尺橫寬十二丈二尺右

山直長四十二丈橫寬十九丈二尺上來龍直長六十一丈

二尺橫寬五十六丈年終取結由縣詳咨又有高祖永源墓

在南關外踏步橋曾祖暲墓在磨旂墩祖廷秀墓在八分山

崇禎閒賜御祭逢聖弟逢咨及逢聖長子觀明次子光明獻

賊之變同盡節滋陽湖墓俱在八分山

郭正域墓在縣東長樂村

熊廷弼墓在縣南紙坊驛西土各官坊嶺前有月塘墓道磚

石里人多竊發者康熙時太守章培基代爲修葺勒碑示禁
驛東里許金鉤山熊曾祖道興祖高峯墓在焉又修賢里鳳
凰山有熊父西莊及孝子兆珪孝女二姑墓鶴鶴山有熊母
李夫人墓

賀逢聖墓在縣南夾山豐禾山之張家橋亦奉部丈量上來
龍長二十七丈五尺下長二十七丈五尺左寬八十七丈右
寬八十七丈年終亦詳彙咨旁有公曾孫訓導賀任之墓

吳裕中墓在縣南九十里蘭嘉山

胡副使墓在縣西南六十里金口鎮

陳僉事墓在縣南七十里紗帽山下

江夏縣志

卷三

禮樂

辛

侯副使墓在縣西南九十里

任家相墓在縣東五十里報德寺左有碑

舊志謂在縣南九十里
鼓樓山豈自南遷此耶

佟僉事墓在縣東十里

杜淦墓在縣東南夾山里徑途

曾泰墓在縣東南靈泉山黃獺洞上有石室藏其中

張誠墓在靈泉山駱駝灣莊寢前墓以雷鳴七日得不掘

張璞墓在靈泉山天馬峯左靈泉志璞葬用石槨爲楚藩所

鑿見棺鮮明附葬於左

張維楨墓在縣東八分山賀文忠有誌

張天祐墓在靈泉山天馬峯下昭寢右

張輅墓在靈泉山天馬峯右

胡二峯方伯墓在縣西南塗口鳳凰山殉宸濠難招魂葬此
國朝

長山烈婦塚在縣東北四十里馬鞍山下長山舖右有碑高
丈許

劉貞節墓在縣東五十里二妃寢

烈婦梅氏墓在縣東義骨塚

江夏縣志卷之三

學校志六

文廟建置源流 兩廡新增從祀 名宦祠 鄉賢祠 忠義孝弟祠 節孝祠 學額 廩餼 學院下學講書 宣講臥碑 新生入學 校官考課 舉報 優劣 學田 書院義學附

夏曰校殷曰序周曰庠學則三代共之皆所以明人倫也人

倫明於上小民親於下今天下州縣皆立學學皆有明倫堂

學使按臨至縣謁

聖後卽於堂上講書校官宣講條約生員恭讀臥碑所以教士者

至詳慎也士未入學之先縣試送府府試送院院取入學然

後以教諭訓導官教之月課季考舉優報劣科舉錄取始與

鄉試是卽鄉舉里選考其德行道義之意也奉行者寔失其

江夏縣志卷三

學校

三

旨重文藝而輕德行豈所以善體

國家教士之法乎哉故必詳列之毋略

建置源流

江夏縣學在鳳凰山之陽按大觀學制宋初以縣附郭就州

學別置一齋曰務本紹興以後悉附於州學元因之明洪武

初教諭沈浩然拓創於黃鵠山北九年移平湖門內宏治十

一年徙置今所

國朝順治間知縣張其修稍加修葺康熙十七年巡撫張朝珍

布政使徐惺大修之都御史王新命繼至益加飭厲三十五

年鄉試有司以貢院逼窄借學宮廣號舍殿廡門堂悉遭毀

折嗣是每科編號日就傾圮五十七年重建知縣潘家鼎力任其事多方區畫三載始成學基前至蓮池隄後至城牆表三十丈五尺東至貢院牆西至撫院牆廣十五丈九尺前東角雲路坊西角順治坊後東角鳳凰山麓西角雄楚樓界先師廟五楹宏治十二年建康熙五十八年重建

東西兩廡各十二楹戟門二楹門左名宦祠三楹右鄉賢祠三楹祠舊無主今考定增置

泮池在戟門前池上有橋環池甃以石櫺星門在泮池前門外有影壁左右以木爲柵

崇聖祠在明倫堂後

江夏縣志

卷三

學校

三

明倫堂五楹在

先師廟後堂東西舊有存誠至善二齋庖廩饌堂附之今改兩學齋房前有儀門忠義孝弟祠學宮土神祠本學節義祠禮門義路二坊以上皆同治元年九年重修

敬一亭在明倫堂後載嘉靖五年御製碑文今廢

尊經閣在明倫堂東北明萬曆十九年知府韓濟創建久廢基址併入貢院

昭德成藝二齋在明倫堂前左右各九楹論秀堂三楹在明倫堂左今廢

周敬王四十一年魯哀公誅孔子曰尼父

漢高帝十二年過魯以太牢祀孔子

平帝元始元年追謚孔子爲褒成宣尼公

明帝十五年帝東巡至魯祠孔子及七十二弟子

晉成帝咸康元年帝釋奠於國學

宋文帝元嘉十九年詔修孔子廟復學舍召生徒

齊武帝永明三年詔釋奠先師設軒縣之樂六佾之舞

梁敬帝太平二年詔修孔子祀

陳後主至德三年詔建孔子廟

魏孝文帝太和十六年詔改謚孔子曰文聖尼父告謚於廟

周靜帝大象二年追封孔子鄒國公

江夏縣志

卷三

學校

五十四

隋文帝仁壽九年制釋奠樂章

唐高祖武德二年詔有司立周公孔子廟

太宗貞觀二年詔以孔子爲先聖顏子爲先師

二十一年詔以左邱明卜子夏公羊高穀梁赤伏勝高堂生

戴聖毛萇孔安國劉向鄭眾賈逵杜子春馬融盧植鄭康成

服虔何休王肅王弼杜預范甯二十二人並配享

高宗乾封元年帝過曲阜贈孔子太師祠以少牢

總章元年贈顏子曾子封爵並配享

元宗開元八年詔十哲爲坐像曾參亞之

二十七年追謚孔子爲文宣王贈弟子公侯伯爵

周太祖廣順二年帝如曲阜祠孔子拜其墓

宋太祖建隆元年帝視學謁孔子詔增葺祠宇塑繪先聖先賢像

真宗大中祥符元年帝至闕里謁孔子廟加謚元聖文宣王遂拜其墓五年改謚至聖文宣王

仁宗景祐元年詔釋奠用登歌

神宗元豐七年增孟子配享荀况揚雄韓愈並從祀

徽宗崇甯四年增文宣王冕十二旒服十二章執鎮圭廟門立二十四戟並同王者之制

大觀二年詔子思子從祀

江夏縣志

卷三

學校

五五

四年詔封公夏首等十人侯爵

理宗淳祐元年詔以周敦頤張載程顥程頤朱熹從祀

景定二年詔以張栻呂祖謙從祀

度宗咸淳三年以曾參子思與顏孟並配享升顥孫師十哲與伯魚從祀以邵雍司馬光從祀

金世宗大定十四年增先聖冕十二旒服十二章顏子孟子冕九旒服九章

元成宗大德十年行釋奠禮牲用太牢樂用登歌

十一年加孔子號曰大成至聖文宣王

仁宗皇慶二年以許衡從祀

文宗至順元年詔封聖父啓聖王聖母啓聖王太夫人顏子
充國復聖公會子廓國宗聖公子思沂國述聖公孟子鄒國
亞聖公以董仲舒從祀

明太祖洪武元年詔以太牢祀孔子於國學後遣使詣闕卑
致祭定釋奠制賜衍聖公田二千大頃置林廟灑掃戶

十五年詔天下郡縣通祀孔子

二十九年罷揚雄從祀

成祖永樂八年正文廟繪塑衣冠令合古制

宣宗宣德三年命禮部考正從祀先賢名位頒示天下

十年以元儒吳澄從祀

江夏縣志

卷三

學校

五

英宗正統二年以宋儒胡安國蔡沈真德秀從祀

世宗嘉靖九年更定孔廟祀典尊孔子曰至聖先師孔子四
配稱復聖顏子宗聖曾子述聖子思子亞聖孟子十哲以下
凡及門弟子皆稱先賢某子左邱明以下皆稱先儒某子去
肖像易木主春秋祭祀國學用十邊豆天下郡縣八邊豆舞
六佾四配六邊豆十哲四邊豆兩廡如之廟稱大成殿門稱
大成門罷公侯伯封爵申棖卽申黨去申黨公伯寮秦冉顏
何荀况戴聖劉向賈逵馬融何休王肅王弼杜預吳澄十三
人罷祀林放蘧瑗鄭眾盧植鄭康成服虔范甯七人各祀於
其鄉后蒼王通歐陽修胡瑗陸九淵五人從祀別立啓聖祠

中祀啟聖公孔氏以顏無繇曾點孔鯉孟孫氏配俱稱先賢
某氏兩廡以程珦朱松蔡元定從祀俱稱先儒祭祀與文廟
同

穆宗隆慶五年以薛瑄從祀

六年以宋儒羅從彥李侗從祀

神宗萬曆十二年以胡居仁陳獻章王守仁從祀

二十三年詔以宋儒周敦頤之父輔成從祀啟聖祠

莊烈帝崇禎十五年詔以左邱明及周子二程子張氏邵子

朱子改稱先賢位七十子下漢唐諸儒上

國朝

江夏縣志

卷三

學校

五十七

世祖章皇帝順治元年定優渥聖裔之制

二年詔尊孔子爲大成至聖文宣先師孔子

十四年定文廟尊稱曰至聖先師孔子

聖祖仁皇帝康熙二十三年東巡岱宗幸江南還詣闕里釋奠先師

行三跪九叩禮

頒御書萬世師表額

謁先聖墓行一跪三叩禮

二十六年立御製闕里孔子廟碑 孔子贊碑 四配贊碑

二十九年立文廟下馬碑 詔修孔子廟

三十二年闕里孔子廟成

三十八年立御製重修闕里孔子廟碑
四十九年詔直省同城大小武職一體入文廟行禮
五十一年詔先賢朱子升配大成殿十哲之次
五十四年詔以宋儒范仲淹從祀文廟

世宗憲皇帝雍正二年詔改幸學爲詣學

臨雍釋奠先師

復以林放蘧瑗秦冉顏何鄭康成范甯從祀文廟以孔子弟子縣賈牧皮孟子弟子樂正子公都子萬章公孫丑漢諸葛亮宋尹焞魏了翁黃幹陳澧何基王柏元趙復金履祥許謙陳澔明羅欽順蔡清及故御史陸隴其從祀文廟

江夏縣志

卷三

學校

五

以宋儒張載之父迪從祀啓聖祠

頒平定青海告成太學碑文

冊封先師五代爲王更啓聖祠曰崇聖

定直省府州縣學附建忠義孝弟及節孝祠

三年詔避孔子聖諱

詔郡縣丁祭用太牢

四年頒御書生民未有額

八年立御製重修闕里孔子廟碑

詔設闕里聖廟執事官四十員

九年詔修孔林

高宗純皇帝乾隆二年復以元儒吳澄從祀文廟

三年詔先賢有子升配大成殿東序哲位卜子之次

頒御書與天地參額

八年頒丁祭旋宮之樂

十三年東巡至曲阜詣孔子廟釋奠行三跪九叩禮

詣孔林謁先聖墓行一跪三叩禮

立御製闕里孔子廟碑

十四年頒平定大金川告成太學碑文

十六年南巡遣官祭告孔子

二十年頒平定準噶爾告成太學碑文

江夏縣志

卷三

學校

五九

二十一年東巡至曲阜詣孔子廟釋奠詣孔林酌酒

二十二年南巡至曲阜詣孔子廟上香孔林酌酒

二十四年頒平定回部告成太學碑文

二十七年南巡至闕里詣孔子廟上香孔林酌酒

三十年南巡遣官祭告孔子

三十三年頒周范銅器十於太學

三十四年重修太學孔子廟親詣釋奠立碑

三十六年東巡至闕里詣孔子廟釋奠孔林酌酒

頒周范銅器十於闕里

四十一年頒平定兩金川告成太學碑文



東巡詣闕里釋奠於先師

四十五年南巡遣官祭告孔子

四十九年南巡至曲阜詣孔子廟上香

五十年臨雍釋奠於先師

五十五年東巡詣闕里釋奠於先師

仁宗睿皇帝嘉慶三年臨雍釋奠於先師

四年頒御書聖集大成額

十三年詔發帑重修闕里文廟及顏子專廟

宣宗成皇帝道光元年頒御書聖協時中額

二年臨雍釋奠於先師

江夏縣志

卷三

學校

六

以明臣劉宗周從祀文廟

三年以明臣黃道周及故工部尙書湯斌從祀文廟

五年以唐臣陸贄從祀文廟

六年以明儒呂坤從祀文廟

八年以明儒孫奇逢從祀文廟

二十三年詔山東巡撫謹修闕里祀典

以宋臣文天祥從祀文廟

文宗顯皇帝咸豐元年頒御書德齊疇載額

以宋臣李綱從祀文廟

二年以宋臣韓琦從祀文廟

三年以先賢公明儀從祀文廟

七年以先賢孔孟皮從祀崇聖祠東醜之首

以先賢公孫僑從祀文廟東廡之首

九年以宋臣陸秀夫從祀文廟

十年以明臣曹端從祀文廟

今上同治元年頒御書聖神天縱額

二年以先儒毛亨明臣方孝孺呂柟從祀文廟

更定文廟祀位頒發直省府州縣學通行

七年以宋臣袁燮從祀文廟

祀位圖附

學校

江夏縣志

卷三

三

大成殿祀位圖

至聖先師孔子

復聖顏子
述聖子思子

宗聖曾子
亞聖孟子

先賢有子
先賢卜子
先賢仲子
先賢端木子
先賢冉子
先賢閔子

先賢朱子
先賢蘧孫子
先賢言子
先賢冉子
先賢宰子
先賢冉子

崇 聖 祠 祀 位 圖

昌聖王伯夏公
裕聖王祈父公
肇聖王木金父公
詒聖王防叔公
啓聖王叔梁公

先賢孔氏

先賢顏氏

先賢孔氏

先儒周氏

先儒程氏

先儒蔡氏

先賢曾氏

先賢孟孫氏

先儒張氏

先儒朱氏

名宦祠

唐江夏尉趙憬

江夏尉竇參

宋知江夏縣事王子漑

江夏尉王武

明江夏縣知縣李永信

江夏縣教諭沈浩然

江夏縣丞羅勉

江夏縣教諭沈仲維

江夏縣知縣陳學夔

江夏縣訓導王進

江夏縣教諭簡越

江夏縣知縣莫揚

江夏縣知縣蕭九成

江夏縣知縣顏文選

江夏縣知縣徐日久

江夏縣知縣樊尙燦

江夏縣教諭陳鑑

署江夏縣知縣徐學顏

江夏巡檢戴良瑄

江夏縣知縣徐善

江夏縣知縣游季勳

江夏縣知縣朱統鎮

國朝江夏縣知縣蔡興鎬

江夏縣知縣吳世貢

江夏縣教諭張希良

江夏縣知縣劉朝英

江夏縣知縣馬雲會

鄉賢祠

唐北海太守贈秘書監李邕

唐太子少傅諡曰簡李鄜

宋太子少師諡文簡馮京

明戶部尙書曾泰

山東按察使鄧真

江夏縣志

卷三

學校

六四

工部侍郎劉仲廉

兵部尙書諡莊毅王竑

監察御史辛浩

御史巡按雲南張璞

雲南巡撫韓楷

雲南趙州知州郭懋

貴州參議侯應爵

四川眉州知州呂調音

四川江安縣知縣周冲

廣東南海知縣周文卿

邑廩生明睿

鎮國將軍都指揮同知佟養直

山東登萊監軍道佟卜年

懷遠將軍楊應震

山東兗州府知府劉廷桂

翰林諡忠烈何應軫

崇禎乙卯舉人周家鼎

浙江松陽知縣孫鵬舉

四川成都府同知艾秉

浙江杭州知府馮世雍

四川監紀同知陳靖

廣東廉州知府詹文光

浙江巡撫常居敬

直隸霸州知州劉允寬

督漕副都御史徐鏞

翰林院待詔任家相

邑庠生贈少傅賀時泰

河南汝甯府知府劉民悅

尙寶卿張文光

邑庠生熊兆珪

國朝武進士任叅將楊于崑

吏部郎中汪錚

順天府府尹陳肇昌

陝西安定縣知縣劉藜燦

忠義孝弟祠祠內立碑刻

恩旌忠義孝弟姓氏於上雍正三年奉

旨建在學宮內姓名另錄人物志

江夏縣志

卷三

學校

五

節孝祠祠前建坊刻

恩旌節孝姓氏於上雍正三年奉

旨建在學宮外姓氏另錄人物志

學額

漢武帝始置弟子員唐制上縣四十人中縣三十五人下縣二十五人宋無定額崇甯三年以費廣難贍三分汰一元有大學生小學生樂生十五人其盛也至五十人皆受餼於學明洪武十五年定縣學二十人給廩膳仍免差徭二丁宣德三年增廣生員如正額正統十二年於常額外選軍民子弟願入學肄業者為附學生

國朝定制府州縣廩膳各二十名歲科取入大學十五名中縣十二名小縣八名雍正三年奉文廣額大學五名中三名小二名永著爲例江夏縣係大學額取進二十名武生歲科併試仍舊額取十五名其奉

恩詔加廣無定額

廩餼

縣學廩生二十名廩糧共銀一百四十四兩順治十四年裁銀九十六兩康熙二年全裁二十四年復設銀四十八兩下學講書

學院按臨次日祇謁

江夏縣志

卷三

學校

六

先師官吏師生禮止於櫺星門伺候一躬不稟接行禮畢升明倫堂官生以次揖見應坐者照憲綱序坐講書生員總出班一揖西向立講畢以次下堂東向立俟行賞罰畢官吏師生先出不赴謝

宣讀臥碑

宋大觀元年詔布周官八行八刑之法鐫刻學宮淳熙六年御書白鹿洞教條頒學立石明洪武二年令學者專治一經以禮樂射御書數分科設教三年定學校射儀十五年頒禁約於天下學勒石明倫堂設之臥碑成化三年令督學官躬歷各學督率教官化導諸生置三等簿考驗德行文藝治事

分列之有文無行者革退嘉靖五年世宗親撰敬一箴並書
宋儒程氏視聽言動四箴於天下學校立碑以肅生徒

國朝順治元年

欽定臥碑曉示生員文曰

朝廷建立學校選取生員免其丁糧厚以廩膳設學院學道學官
以教之各衙門官以禮相待全要養成賢才以供

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非爲者子
既讀書明理當再三懇告使父母不致於危亡

江夏縣志

卷三

學校

七

一生員立志當學爲忠臣清官書史所載忠清事蹟務須互相
講究凡利國愛民之事更宜留心

一生員居心忠厚正直讀書方有實用出仕必作良吏若心術
邪刻讀書必無成就爲官必取禍患行害人之事者往往自
殺其身常宜思省

一生員當愛身忍性凡有司官衙門不可輕入卽有切己之事
止許家人代告不許干與他人詞訟他人亦不許牽連生員
作證

一爲學當尊敬先生若講說皆須誠心聽受如有未明從容再
問毋妄行辯難爲師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

新生入學

學院按臨試竣另行牌示簪花日期屆期取准新進文章雀頂襴衫詣行轅聽候發落翌日提調官率新生於府學文廟排班謁

聖行三跪九叩禮畢次謁府縣次謁兩學教官均如國子生見國子師禮

江夏縣志

卷三

學校

六

教官考課

順治十二年奉

上諭各學生員令提學御史提學道嚴飭府州縣衛各學教官月加課程不得曠廢亦不得假借督課陵虐諸生

康熙二十七年定武生無武學處照例屬文學教官管理除騎射外教以五經七書百將傳及孝經四書俾知大義提調仍將各學射圃修輯置備弓矢教官率武生較射其中以飭

武備

武學係舊制今裁

雍正元年議准學宮之內廣置齋舍多設廩膳凡屬生員苟能勤加課藝互相砥礪則親師取友裨益良多若終年不至

學官其與教官相往來者不過修歲時餽贈之儀無關於講習討論之事欲求績學之士豈可多得應令直省學臣通飭府州縣衛教授學正教諭訓導務立課程面加考試如果有遊學遠館隨任等情教官亦不得借此苛求以滋煩擾至於新進生員尤爲進身之初豈可使身無檢束聽其遊蕩應照國子監坐監之例令其在學肄業者亦必分題考校每月定期有親老家貧勢不能在學肄業者亦必分題考校每月定期使無曠業倘有董率不嚴怠於考課者學臣於歲科考時卽以文章之優劣定教職之賢否

雍正五年議准嗣後令教官按月月課四季季考生員除丁

江夏縣志

卷三

學校

本九

憂患病遊學有事故外照定例嚴加考試如有托故不到者卽嚴加懲治三次不到者詳革如該教官內果能實心訓迪化導有方學臣照例舉薦若因循苟且視爲具文者卽行題叅革退

舉報優劣

順治九年議准生員有敦本尙實行誼表著者提調官細加體察取具本學師生及本族鄰里甘結申送提調覈實卽加獎賞以勵頽俗若有平日不務學業囑托把持武斷包攬或捏造歌謠興滅詞訟及敗倫傷化過惡彰聞者體訪得實不
必品其文藝卽行革黜行優者不許通同賄冒行劣者不許

徇情姑息並不許通信開送致被挾私中傷違者從重叅處
順治十五年題准各學劣生有不遵條例者教官揭報學道
嚴行褫革如教官徇情不報罰俸六個月至三名者革職其
學臣經教官揭報不盡法懲處倘被撫按糾叅每一名以上
罰俸六個月三名以上罰俸一年五名以上降職一級七名
以上革職至教官開報務須實係劣矜學霸不得以小疵腐
儒開報塞責舉優行者以孝弟爲先不得以操履平常充數
如有扶同受賄情弊察出將教官重處

康熙二年題准教官徇情不報劣生者一名革職提學不盡
法懲處者一名降四級二名革職

江夏縣志

卷三

學校

七

雍正元年議准生員有行劣者學臣查確卽行褫革

又議准舉報優劣成例具在但日久未免視爲虛文應飭令
各省學臣務細加查覈如果敦本尙實行誼表著卽獎賞列
薦送入國學其行劣敗倫者卽行黜革各教官務舉覈確實
如有通賄濫舉挾讎妄劾者學臣察出卽行題叅議處其舉
劾咸當者於計典內聲明列薦學臣報滿日仍將任內舉黜
之數奏明造冊報部查覈

又議准歷來學臣考試文武生員衡文之外未聞舉一優行
黜一劣矜以示勸懲應再申飭各該學政轉行該學教官實
心訪察有居家孝友品行端方者列爲上等武斷把持過惡

彰聞者列爲下等造具實行清冊於學臣按臨未經考試之前申送查覆學臣衡文時查閱其文理優長而品行端方者拔置上等給以獎賞至冊列下等生員廉訪得實不必品其文藝卽行黜革報滿之日將任內舉黜之數另造清冊報部查覈

學田

一兩院司道本府舊買王珮沒官田坐落洪山

又買良玉民田坐落九峯共稅三頃九十畝每年額定納租穀三百九十石內除穀一百三十石八斗一升六合准佃自納糧差實上倉官穀二百五十八石一斗八升四合

江夏縣志

卷三

學校

七十一

給兩學生員之貧乏者

一撫院郭於萬曆二十一年買民陳宗孔王大才陳皋地田據府冊報告退追價於二十二年轉買陳田地塘坐落招賢里橫山村田稅九十七畝六分二釐該租穀一百一十石內除穀二十七石准佃自完納糧差實納穀八十三石收賑縣倉聽撫院支給貧生餘地二十七畝三分該課銀一兩四錢准給佃戶領作牛種之資餘塘五畝八分八釐山一段三畝四分八釐無租

一提學道買民何朝源田地坐落洪山寺前垌稅一頃五十畝止徵租穀六十石地一段止課銀七兩俱收縣倉縣庫

山門湖柴山一段坐落倉庫山中一節東至山頭下齊塘
墜西至小陽坡下齊路上齊山頂大石爲界水塘十二口
稻場石礮俱全入櫃正銀十二兩八錢九分上倉米二石
二斗五升五合二勺在修賢二里一甲賓賢庄戶內完納
契約呈學備案其田由學道詳各憲備案章程由縣議定
每石租穀折價五錢五分內扣除五分給佃完納錢糧漕
糧悉其不敷並將課銀新米麩雞年糝等項俱給幫完糧
券限定十月呈繳學官備案折租銀兩歲科一等前三名
收管交典一分生息候鄉試之年八月初四無論青矜恩
拔歲副貢監照有科舉名數多寡分領

乾隆五十七年貢生程雲炳又價買太平里石灰山口楊彌
灣壠水田一十五石額租一百六十二石陸地多段載課
五兩六錢四分捐作學宮歲修以及勺庭書院膏火田地
莊屋週園毫無夾雜瓦屋莊房一大村園林樹木隙地稻
場石礮俱全柴山一段獨分水塘三口界外有田數畝與
周姓相連水塘一口共用入櫃正銀九兩六錢九分七釐
六毫上倉米一石七斗四升二合此莊舊有龍王塆山一
段葛布灣山一段原主先年賣與周樊二姓草場一段賣
與詹姓其餘田地租課山場等項俱照程雲炳契約管業
內撥田五石租五十三石九斗二升三合課銀一兩八錢

聽學道支給其本田所餘租穀尙多原議佃戶自納糧差不在官收租穀地銀之內

一提學道買龍泉洪山等處共稅二頃七十六畝一分一釐
一毫六絲六忽山二段草場一段亦止納租穀二百零五石五斗收貯縣倉聽學道支給貧生禮生其田稅糧亦佃戶自納不在官收租穀之內

以上每歲實租穀六百零六石六斗八升四合地課銀七兩

一學道高於崇禎十五年買學田三處

一洪山二十九石四斗二升二合應納官租二百九十四石

江夏縣志

卷三

學校

七三

二升佃戶黃元之承納

一葛藤園三石應完官租三十石

一南湖一十四石一斗七升完租一百一十三石三斗六升佃戶藍季峯承納

以上冊載正米二十二石六斗九升分作四戶寄籍上鸚附城興仁崇善人丁肆丁一應條餉漕糧等項俱在租穀之內照時價扣算餘穀赴縣交收聽候學道支給貧生

一布政司翟順治十七年買徐步雲田一百八十三畝二分六釐計二百七十三坵又兌換鄭仁趾民田四十畝計六十坵共田二十五石每年議租二百石又山地五十塊課

銀二兩七錢坐落來蘇二里一甲佃戶鄭仁趾承納丁米
共銀一十二兩一錢六分七釐內餘地課二兩七錢尙該
九兩四錢六分七釐內除穀四十二石又免米一石八斗
八升該穀五石三斗六升種穀一十二石六斗實納租穀
一百四十石

一按院上官鉉買招賢村田九十畝三分佃戶葉篤生等承
納除完正賦外存租五十一石五斗四升一合赴縣收貯
賑恤寒士

一順治中撫院買田三處計二頃七十六畝一分

一買彭中甫招賢村田四石佃戶李暗生承納租穀四十五

江夏縣志

卷三

學校

七十四

石內扣一十三石完糧餘穀候賑

一買喻田奎橫山田三石本佃承納租三十石扣一十一石
完糧餘穀候賑

一買何信永豐里田一十八石本佃承納租一百二十八石
五斗內條除編漕米外實存租穀備縣支給

乾隆五十七年貢生程雲炳價買黃合二里楊先壠水田一
十八石額租一百六十三石陸地多段載課銀三兩四錢
五分捐作闔邑鄉試場費田地界限北至倉庫山南至黃
泥坂東至汪姓後並瞿家嶺脊嶺直下西抵高坡至鑼鼓
嶺脊嶺直下爲界莊基一段坐落楊先灣草場一段坐落

八分作學宮歲修錢糧三兩二錢三分一釐兌米五斗八升在修賢二里一甲敬賢莊戶內完納租穀每石折五錢五分扣五分給佃完納錢漕課銀新米雞麩年糶等項亦幫佃完納折租銀兩佃人赴學呈繳餘田十石額租一百零八石七升七合課銀三兩七錢六分作勺庭書院膏火錢糧六兩四錢六分六釐六毫兌米一石一斗六升二合在修賢二里一甲希賢莊戶完納至錢糧租穀亦照學宮歲修章程折租銀兩佃人呈繳本縣衙門內貯存每年九月發給肄業童生出具領字各領三兩此田契約亦呈縣學備案一切章程通詳各憲立案永垂不朽

以上陳志

江夏縣志

卷三

學校

七五

書院義學附

江漢書院舊在文昌門內明督學葛寅亮講學處後廢

國朝順治間左布政黃志遴張爾素翟鳳翥移建忠孝門內康熙四十九年巡撫陳詵張連登次第修葺乾隆四年總督德巡撫崔捐貲拓地修建樓房號舍規制益備每年東修膏火一切事宜督撫主之咸豐初寇亂之後集費重修規制粗復而膏火不如昔之充裕興賢重學恃各大憲之加意焉知縣年終輪課一次

勺庭書院在忠孝門內即督學薄有德藏書所創自康熙三十九年購民舍葺以儲書課士嘉慶十八年重修中講堂後

山長住齋左爲 先聖禮殿右爲薄公祠祠前左右列號舍
十次爲監院廳以藏書門左有方池曰勺泉構軒池北移學
士石墜水淨舊額榜之道光二十七年鹽道鄒之玉捐資修
葺每年束修膏火一切事宜武昌府主之今廢

按江漢勺庭二書院舊皆經費充足亂後租息蕩然江漢
爲通省人才所聚故各大憲力修復之勺庭僅一府生童
肄業不能動用公項專恃郡伯捐廉故至今未復書院地
基又已改爲撫院箭道他日縱能移建而薄公祠祀必不
可復藏書亦不可再觀前人遺愛湮沒無傳惜哉方今
詔諭疊頒崇尚經學若能專延通經之士教授生徒秀異
不必求多朝暮拔尤其餘自奮黜華崇實風俗
轉移不惟儲備人才而治理亦日歸於厚矣

東山書院在黃鵠山相傳東方朔讀書處今廢

芹香書院在府學前舊爲社學明成化閒提學薛綱改建今

江夏縣志

卷三

學校

七六

廢

濂溪書院在府學前舊爲社學明嘉靖二十四年都御史張
甬改建崇禎六年御史白士麟移建明月橋西右爲濂溪祠
祠前鑿池引明月湖水種蓮立坊額曰愛蓮今廢

紫荊書院在忠孝門外布政使黃志遴建今廢

清風書院在清風橋西今廢

大觀書院在蛇山之陰邑人捐修祀文昌魁星於其中現爲
社學

義學四一在賓陽門內龍華寺一在文昌門內鐵佛寺一在
平湖門內武當宮一在忠孝門內正覺寺擇兩學諸生董其

教每學歲修二十金嗣章公培基設義學二一在新興一舖
崔公祠一在府學尊經閣今廢
浮山義學在城南一百六十里